

民國  
通用  
酬應  
全書

埽葉山房發行





民國酬應全書卷九

書函

江北公民上徐東海書

菊人先生閣下。聘伊尹於有莘。成湯革命。載太公於渭水。西伯興周。曠茲國步之多艱。正賴偉人之再造。在昔南方逆命。北府鏖兵。雖三冬之狐兔無聲。而七省之瘡痍不復。破產之禍。迫在燃眉。道德之風。亡於無日。淺見者如春燕巢於危幕。不知厦屋之將傾。當局者如漏舟入於漩渦。罔識風濤之所止。然而五百年必生名世。日月重光。六千載乃見自由。兆民有慶。蒼生霖雨。先生豈無意宏濟艱難。天下不足平也。恭維先生韜畧軼倫。文章絕代。胸中藏數萬兵甲。當今為第一流人。鳳表龍姿。羣仰黑頭之宰相。輕裘緩帶。人稱白面之元戎。乃中華之大勢方新。而東海之魯連不仕。是所惑者。竊有說焉。夫精華消竭。糟粕何存。邦國摧頽。室家安在。埃及初亡。富人求貧而不得。波蘭既滅。首相不列於編氓。苟覆轍之相尋。必瓜分之可待。將見哀哀黃種。無地求生。莽莽神州。淪為異域。凡有血氣。能不痛心。幸而李晟天生。社稷之福。假令安石不出。大局如何。痛風

通用西曆  
雨之漂搖。念山河之破碎。豈有南陽諸葛。坐觀炎漢之安危。韓國張良。不佐高皇之帷幄者乎。不揣狂愚。請陳梗概。效賈生之痛哭。深愧前賢。登廣武而歎歔。願垂清聽。粵稽憲法。國之大綱。要當權衡中外。以為持情度理之平。豈有勦襲皮毛。自貽強艾為蕭之恨。法郎西力爭民主。未資鄰國之規模。美利堅宣布共和。不用宗邦之令典。日以神聖天皇為重。德有聯邦政府之盟。多以山川俗尚之懸殊。別為禮樂衣冠之各異。今守舊者力主保存之說。而維新者力排頑固之徒。眾論紛紛。羣議尤雜。揆諸現狀。未可謂平。似當獨運心裁。旁參政局。締造千秋之法律。發揚上國之文明。庶無雞口牛後之譏。或得因時制宜之利。至於軍事。首重選裁。師之耳目。在乎旗鼓。兵之勝敗。責在中軍。一將之功。聲威及於萬國。千人之陣。運用出於一心。若非敦詩說禮之賢。必存植黨營私之見。奧援日眾。滋蔓難圖。要路皆具腹心。大柄操諸指掌。保無兵多不戢之患。馴致尾大不掉之虞。再稽吏治之盛衰。關係民生之憂樂。比者十手所指。百口莫分。不曰位置親朋。即曰瞻徇情面。豈知服官之律。職有專司。荐舉之人。例應負責。但當問其勝任。不當論以私人。倘平生不識茅容。而一旦登諸上列。性情未見。已背

量材器使之方。善惡中藏。亦乖明哲。知人之度。大權旁落。太阿微獨。倒持劣馬。奔蹏御者。詎能受過。紀綱一墜。法度蕩然。瞻望前途。可為流涕。又若潢池之盜。實為今日之憂。晝伏宵行。已成流寇。東馳西突。無所適從。而且就地為糧。乘人不備。黃巾之過。千里無烟。銅馬之來。四郊皆哭。苟非棄數縣之地。誘彼貪狼。合四面之圍。殲茲群醜。則老師糜餉。奔命窮年。地方無綏靖之時。黔首有流離之慘。甚至釀成交涉。引起爭端。失信用於強隣。授外人以口實。此則鷹鷂之逐。其罪當誅。豺虎之投。莫如用猛者也。某草間下士。江左書生。素乏荊州一識之緣。更少龍門不登之憾。顧念匹夫有責。在義當然。行知隻手擎天。非公誰屬。火已焚於肘腋。爭方促於須臾。謹拜手稽首而陳言。或馬勃牛溲之可用。任英雄以造時勢。合九州四海為一心。若大旱之望雲霓。舉引領企踵以相待。

段總理復孫中山函

逸仙先生左右。胡廖兩君到京。接展惠簡。正擬裁答。適奉續音。就謔興躅。勝常。至慰倍渴。惟時局萬艱。瑞以菲材。肩茲重遠。實慮治絲而棼。倍深履薄之兢。從者高掌遠蹠。洞徹繁變。是以亟思親臨。願藉宏論。佑此鈍根。既辱不棄。尚祈早

日賁臨遙企清暉。不勝企盼。特此布悃。敬頌台安。段祺瑞啟。

孫中山復段內閣函

芝泉先生大鑒。敬啟者。王君到滬。已備述大總統及先生高意。並辱華翰。感謝實深。文歸來東海之濱。久慕上臺之節。復承雅意。昭以弓旌。使盡狂言。藉裨衮職。才雖不逮。義本難辭。故於前日。托胡廖二君。晉京帶呈寸楮。敬候起居。並於現在切實之務。舉其綱要。托彼面陳。以備採擇。二君並文少年舊友。無論何事。均可代表文意。願賜延接。俾盡所懷。如文親覲矣。至文半年以來。宿疴未除。百事殆廢。近始稍為料理。未能遽畢。殊非偃息言高。擬俟兩月後。摒擋就緒。當必北遊燕薊。再接清光。先此奉達。聊述所懷。希為鑒諒。即請勛安。諸維雅照。孫啟。

孫中山復大總統函

大總統鈞鑒。敬啟者。前托胡廖二君。晉京代陳鄙見。並肅寸緘。敬候起居。胡廖兩君甫就道。復蒙遣王君銑珊到滬。並惠教言。以文疏曠之性。謬承優渥之施。天下在宥。寔待賁一先生之言。而海濱歸來。尚思告舊。令尹之政。業於胡廖兩君行日。條舉綱要。屬達諸左右。二君為文念年故友。無論何事。均可代表文意。

願於暇日。曲賜垂詢。俾盡所欲言。如文親謁。至文數月來。百端未理。撥冗為難。非不思。捭衣趨晤。握手言歡。而一時尚未能束裝命駕。擬俟兩月後。摒擋庶務。稍有頭緒。當可北遊燕冀。敬副盛意。先此奉達。聊盡悃懷。敬祈鑒諒。即頌勛安。諸維崇照。孫文啟。

上海商會發起歡送楊交涉員致各商幫函

敬啟者。楊交涉員奉職五年。蓋籌碩畫。對於工商各業。策勵進行。勤勞昭著。今乃奪我使君。攀轅無術。驪歌載唱。能不黯然。今訂於三月二日。邀集各商幫。為楊君特開歡送大會。藉為楊君祖道。屆時務乞惠臨。同伸忱悃。專肅敬請台安。務商中學致國貨維持會請派員演誦函

會長先生暨評議部諸先生鈞鑒。夙仰崇暉。寔深企慕。曠懷道範。倍切傾馳。伏思先生勤求實理。廣闢利源。此固同人等所景仰焉。而敬佩無窮者也。敝校忝屬同心。亦以目今競爭之世界。非振興商業。不足以蘇民困。而補時艱。然非從人才上著想。亦屬空談。爰集同志等。於滬上閘北。創設務商中學。四年於茲。又添設銀行專科。對於商業實踐。尤為注意。規模初具。尚著成效。頗為當道諸君

適用西歷全書 卷九  
子所推許。惟是此日學界。往往有學識而無實驗。殊不足以養學子之實學。推原其故。實無提倡之君子。為之切實演講。遂不免有刻舟膠柱之誚。敝校勤求實際。力圖進行。伏思貴會規模宏遠。人文薈萃。不少道高望重。為國學之鉅儒。碩彥。務求先生為先路之導。即請評議部議定後。推請光臨。敝校演講。俾莘莘學子。得聞偉論。胸中豁朗。庶於經驗之理。自有歸宿。並請先期賜示。訂定每月開講日期。敝校自當特開歡迎會。以昭鄭重。同人等實為培育商才起見。不禁翹企盼禱之至。專此修佈。並鳴鄙悃。敬頌台安。務商中學啟

李佳白賀馮副總統當選函

副總統鈞鑒。憶自前歲在京。得瞻光霽。快慰私衷。自茲獲隸。旃幘載聞。威德仰東南之保障。欽政策之和平。辱在羈人。同資怙冒。乃者側聞作元首之副貳。膺兩院之交推。由斯轉坤旋乾。體國經野。實為中外所幸。豈徒貴國之祿。佳白久旅中華。情同蒼赤。風聲遯聽。懽躍殊深。爰綴簡詞。仰陳賀悃。祇頌鈞安。伏維藻鑑。

馮副總統復謝李佳白函

佳白先生閣下。接誦大函。備承藻飾。藉謠鼎祺。集祐霜候。延釐慰頌。無既國璋。自愧散樗。毫無建樹。謬荷敝國兩院公舉。仔肩攸寄。擔荷匪輕。顧茲剝復之交。彌切冰淵之懼。敦槃輯好。欣斯世之大同。風雨懷人。佇他山之攻錯。專肅祇謝。敬頌冬祺。馮國璋啟。

許世英派員歡迎各省議員北上函

敬啟者。國家多故。議職停舉。於今三年。自頃約法重新。共和再造。軒昊之靈。實式憑之。夷平方軌。莊嚴神州。洪纖萬端。諸待張舉。國會處神聖之地。諸公皆英俊之才。再竟前猷。益恢偉略。眾生蒙福。豈有涯涘。茲特請沈孫二君赴滬。歡迎開會期近。羣倫跂望。尚其勉行星軫。共宏漢京。邦家百年之光。不僅世英一人之幸也。肅緘布臆。順頌行祉。

楊督軍謝滬地官紳各界吊唁丁憂函

某某先生雅鑒。竊維勵行莫先於孝。敢云可以作忠。治軍不僅在威。自媿未能秉禮。弟有母而生前缺侍。逝後奪情。迭經請辭。未邀允准。兩浙迥異。八州難援。陶侃居喪之例。一官何歆。六纛更慙。王戎純孝之名。望皖公山。則白雲不見。飲

通用西廡全書 卷之  
飲塘水則墨經增悲。古人固有讀蓼莪而慨負親恩。詠苞栩而興嗟戎事者矣。何意不才竟罹此厄。百身莫贖。五內俱摧。猥承存注。並荷隆儀。既鼎圭乎情文。益涕零而感激。肅此申謝。不盡依馳。

某君賀友任命為縣知事函

某某先生偉鑒。近閱報章。藉悉吾公被任命為某縣知事。竊維知事一職。即前代之縣令。一邑之民情風俗。皆視長官以為轉移。責重事繁。治理頗不易易。今雖詞訟各事。已都劃入司法範圍。然推廣教育。振興實業。巡緝盜賊。綏靜閭閻。以及查烟禁賭諸事。無不一賴賢長官之經營。以吾公之雄才卓識。辦事又極熱心。宰此百里之區。必能挽末俗之頹風。謀斯民之幸福。全國政治之模範。不難以一邑樹之基。某自愧庸才。不復敢投身政界。然獲聞故人發揚意氣。抒展才猷。逖聽風聲。亦一時至愉快之事也。敬賀 任喜順請 政安 弟某某手肅

覆謝賀任縣知事函

某某先生英鑒。某以不才。承省長謬采虛聲。任命為某縣知事。當此時事多艱。黨爭劇烈。民情虛詐。議會囂張。辦事之難。十百倍於往昔。重以裁減政費。部令

志在必行。無米之炊。尤難為巧婦。故才智卓越者。當此尚皆視為畏途。矧以某之庸懦。隕越貽羞。恐在所難免。中懷展轉。深切悚惶。乃蒙執事惠函。遙致賀意。捧讀數四。感與慚并矣。先生閭里優游。脫離政界。高懷雅趣。健羨莫名。得暇尚望時賜箴言。匡我不逮。幸甚。禱甚。專肅敬復。祇請大安。弟某某鞠躬

某君賀友任審判長函

某某先生偉鑒。近閱報知吾公現任某處審判長。喜法學之昌明。覩長才之抒展。風聲遒聽。歡忭良深。某嘗謂共和國人民。無一人不受治於法律。故法律平。可以保社會之安寧。鞏國家之基礎。其關係殊非淺鮮也。惟今之審判長者。大都律意既未精研。而又好用師心。膠執偏見。不肖者甚。或私行賄賂。顛倒是非。握至高之權。而甘為至卑之行。人民權利。危險極矣。先生邃於法學。久深欽仰。而審判案件。又能平心靜氣。執法而不膠於法。至品行之純粹。廉潔不染纖塵。無論知與不知。皆所深信。固非某一人之私言也。使操司法權者。盡能如公。尚何患社會秩序之不安。國家基礎之不固耶。敬肅寸函。藉表賀意。祇頌公安。弟某某鞠躬

賀友任推事函

某某仁兄先生大鑒。前聞某君傳述。執事就某處審判廳推事。比閱報章。知已奉正式任命。以吾兄法學之精明。經驗之久遠。即任審檢兩長。亦恢恢乎遊刃有餘。僅就職推事。猶未免長才屈於短馭。但今日司法官廳。為審檢長者。於案情均不甚置意。名為總攬大綱。實則怠於責任。而推事一職。遂為全廳之樞機。苟能於案件緊要者。詳細推求。而又勤於職守。則獄訟必無留滯之時。亦無冤濫之弊。人民受惠。已屬良多。故為公一人計。未免屈於小就。而為人民權利計。實裨益非淺鮮也。專肅敬賀。祇請大安。弟某某鞠躬

賀友任檢察長函

某某先生賜鑒。久疏把晤。憶念良深。昨奉惠函。欣悉近任某處檢長。吾公法律精研。久為司法界所欽佩。且擔任辯護士有年。於民刑訴訟之各種利弊。尤能燭照無遺。某嘗謂司法官廳。審檢兩職。雖立於對待之地位。然檢察職權。實較審判為尤重。因一切案件。凡調查證據。研究案情。均為檢察範圍以內之事。使檢察而得人。則証據確而案情明。任審判者。祇須按律判決。獄訟自不致有

冤濫之虞。反是則其弊亦有不勝言者。今幸得吾公任檢察之職。本宿昔所經驗。以辦理案情。行見司法界將放一異彩。是則區區之敬致賀忱。固不專為吾公計。實為司法前途計也。專肅祇請  
大安弟某某脫帽

賀友人子高等小學畢業函

某某先生尊右。羈食遠方。久違教益。每懷丰采。輒令神馳。近接家函。悉令郎畢業高等小學。成績優美。巍然高列。忝附知己。歡忭莫名。嘗聞共和國家。最重國民教育。而高等小學。實為國民教育之基礎。故時賢恒謂一國之盛強。不在大學。畢業生之衆多。而在人人能受高等小學之教育也。令郎英姿妙才。昔年一見。早識不凡。君家千里駒。心折久矣。今茲一鳴驚人。不過發軔之始。嶄然露頭角耳。嗣後尊意未知使之入中學。抑入旁系之學校。鄙見方今注重實業教育。以令郎之好學深思。勇猛精進。若令其研究實業專科。則於個人生計。及國家前途。均大有裨益也。高明以為何如。專肅蕪函。藉伸賀意。即請大安弟某某謹上

為子謝賀高等小學畢業函

某某仁哥俯鑒。懷想故人。時縈衷曲。忽頒華翰。頓慰遐思。維旅居多福。為祝弟  
早歲溺於時趨。醉心科舉之學。精神才力。消耗良多。而於今世普通常識。殊未  
及研究。私心耿耿。悔無可追。故小兒輩決計令其稍受教育。免為共和國之廢  
民。無如小兒資質平庸。進步甚緩。幸在校輟課尚少。操行亦無大謬。故此次考  
試。得以及格。畢業以後。當命其專意求學。毋曠毋怠。漸底於成。庶不負吾哥之  
期望。尊示論及實業教育。可謂先得吾心。蓋處今之世。必須有顛撲不破之  
能力。而後個人可以謀生。亦必有實事求是之學問。而後可期效力於社會。若  
專務虛榮。競思欺世。適以自誤耳。草此奉覆。不盡欲言。順頌公安。不一。弟某某  
免冠

賀友開報館函

某某先生撰席。前在某君處暢聆偉論。足慰聞聲相思之意。并稔近日擬鳩  
集同志。組織報章。甚佩甚佩。共和國民。以報紙為唯一之要素。上足以監督官  
吏。下足以指導國民。故報紙之多寡。實關係一國之盛衰。先生卓識冠時。  
才名蓋世。而又宗旨純正。議論平和。將來一經出版。必大受社會之歡迎。日試

萬言風行四海。固可為貴報預卜也。承囑撰著文詞。藉充資料。某才學疏陋。何敢弄斧班門。惟有時見獵心喜。或偶撰小說筆記等。當錄呈教正。布鼓雷門。恐不值大雅一哂耳。預定貴報全年計價若干。尚乞示及。以便函訂。專肅祇頌。撰安。并祝進步。

某某謹啟

賀友開設銀行函

某某先生偉鑒。久疏箋候。企念為勞。每於友好往還。詢悉興居安吉。欣慰無量。昨閱報章廣告。知執事近發起在某埠設立銀行。目下金融機關。正患阻滯。得執事碩畫雄貲。創此偉大之業。商業藉以靈活。財政藉以擴張。行見信用交孚。名播遐邇。歐美各銀行。足可與之抗衡。匪特商界大受其益。且足增中國榮譽矣。某為俗事所羈。不克躬賀。敬呈聯幛。聊表祝忱。將來如續行招股。尚希將章程寄示。因親知中頗有願附股者。故特一詢及也。專肅敬賀。順頌台安。某某謹啟

賀友開書坊函

某某仁兄雅鑒。睽違半載。企念為勞。前月曾郵致數行。諒早達覽。比維興居佳勝。幸福日增。為頌無量。春間曾述及有經營書業之意。頃閱報章廣告。欣悉寶莊

適用西曆  
已於某日開張。自民國成立。政尚共和。各處學堂林立。教科書銷流極廣。而保持舊學者。亦喜購取詩文各集。為研究國粹之計。故近來書業頗形發達。吾兄乘時而起。碩畫雄才。良深欽佩。將來出版各書。必為學界所歡迎。名譽之隆。良可操券。固不特為獲利計也。專此奉賀。祇頌大安。某某謹啟。

賀友開設磁器店函

某某仁兄如晤。別後時光如駛。倏又數旬。馳慕之私。諒同彼此。比維籌棋休暢。幸福日增。為頌無量。前次述及擬鳩集同人。創設磁店。為推廣吾國磁業之計。畫刻下想已組織完備。惟未知何日開張。中國磁器久已馳名於各國。惜業此者大都蹈常習故。不肯盡力研究。以致洋磁闖入日多。奪吾利權。殊非淺鮮。今吾兄既注意於此。必能格外整頓。俾銷路日益擴充。吾國磁業前途將因此而放一異彩。將來獲利之豐富。不待預言矣。專此馳函敬賀。祇頌台安。某某謹啟。

賀友設轉運公司函

某某吾兄如握。把晤久疏。渴塵萬斛。適維起居集結。式洽頌忱。頃友人自某處來。談及吾兄近在某某等埠。創設轉運公司。聞之曷勝忭賀。吾國近來水陸交

通日益發達。而商人之貨物。旅客之行裝。亦須捷於轉輸。方足以資利便。故業此者。大都獲利甚豐。吾兄得此時機。乘時而起。遠識雄才。誠足高人一等。將來各埠。遍設分公司。行見吾兄之名譽。遍於海內外矣。某南北東西。道途僕僕。他日途經某埠。一切行李。得貴公司妥為照料。誠為旅人之幸福。先此馳賀。祇頌台安。 某某謹啟

賀友開製革廠函

某某仁兄惠鑒。翹企光儀。時形寤寐。惟為俗冗所累。不克賤候。起居良深歉仄。昨由舍親談及吾兄。近在某處創設製革廠。宏規大啟。欽佩莫名。近年來吾國製革一業。頗形發達。光復而後。各處軍隊。需用革品甚多。而皮篋皮鞋。尤為社會所通用。吾兄乘此時機。創立新基。加以籌畫精詳。必能大占優勝。容俟稍暇。當趨詣貴廠。瞻仰一切。藉聆塵談。先此肅布。祇頌籌祺。恭賀鴻喜。某某謹啟

賀友開藥房函

某某仁兄如晤。自違雅範。時切馳思。比諗起居多福。至以為頌。某自申回里。俗塵粟六。乏善可陳。比聞吾兄創設藥房於某埠。宏規大啟。營業發皇。偉略雄才。

莫名欽佩。年來西藥盛行。如金雞納霜六零六等。幾於家喻戶曉。服之亦靈驗異常。故社會信用日著。吾兄於西國醫術。素深研究。茲乃自立基礎。擇西藥之靈異者。運之中土。將來風行遐邇。實於患病者裨益良多。為個人獲利計。猶其小焉者也。除各藥運自西國外。另有新發明之良藥否。便乞寄示。仿單一帝為荷。專肅祇頌台安。并賀大喜。

某某謹啟

賀友開綢緞莊函

某某吾兄如握。久疏把晤。渴想良殷。時從友人處詢問起居。藉申遠念。頃悉吾兄在某處創設綢緞莊。局面崇宏。為各綢緞舖首屈一指。雄資碩畫。欽佩良深。吾國絲織品。本為外國人所深喜。從前歐美各國銷流極多。徒以綢商墨守舊章。於染色提花等事。不肯格外求工。致年來銷路漸見墮落。今得吾兄起而振之。苟於顏色花樣等。色色精妍。貨物之優美。必能出人頭地。將來挽回權利。擴充實業。於吾國前途。大有影響。固不僅祝個人之獲利已也。開張有期。尚乞示及。當趨前祝賀。藉表微忱。專肅祇頌壽安。恭賀進步。

某某謹啟

賀友開錢莊函

某某仁兄大鑒。久未通訊。懷想彌殷。日前有友人過談。欣悉吾兄鳩合同志。在某埠創設錢庄。竊謂各項商業。全恃錢肆為樞機。故獲利之豐。亦視他業為易。况如吾兄之雄才碩畫。信用久孚。行見遐邇知名。營業必大占優勝。下風引領。欽佩莫名。某碌碌如常。乏善可述。幸體托庇粗安。貿易亦尚稱順手。足以告慰錦注。前日寶號開張吉期。滿擬趨賀。因俗務羈絆。未克成行。下月尚有瑣事。擬附輪來前。補申賀意。先此布達。祇頌籌安。并賀大喜。

某某謹啟

賀友開茶棧函

某某仁兄大鑒。久別芝暉。正深馳系。頃由郵局遞到手翰。欣悉近與同志在某埠開設茶棧。足見長袖善舞。欽佩莫名。嘗思茶葉本為吾國獨擅之利。自印度錫蘭等處相率種茶。奪我利權。而我國商人又復不肯改良。出口茶稅又重。以致茶葉日見墮落。吾兄久客外洋。於外人嗜好研究有素。目下新基創立。一切烘焙裝置之法。自必事事講求。將來販運歐美兩洲。必能大獲其利。此日之經營布置。特發軔之初耳。翹企宏規。曷勝預賀。某碌碌如恒。無善足述。幸賤軀頑健。足以告慰錦注。專肅奉賀。祇頌籌安。

某某謹啟

適用西曆  
賀友開肥皂廠函

某某老兄如握別後曾郵奉一函諒經 覽覽日昨遞到 華翰欣悉組織之  
肥皂廠已經完備不日即可開機 碩畫槃才既佩且賀近來肥皂一業頗臻  
發達因此物為居家日用所必需故銷數非常之廣惟惜市廛所售皆係舶來  
品吾國雖有自造者然貨物低下購者甚鮮不能與外人爭衡今吾 兄創此  
宏業原料既甚講求製造又極合法將來廣設支店銷流日遠藉此挽回利權  
於吾國實業前途大有影響 英才作事識力思想真非庸庸者所能企及也  
專肅奉賀祇頌 籌安 某某謹啟

賀友開衣莊函

某某仁兄如晤久不奉書正深憶念昨得郵遞 手翰藉悉 潭祉吉祥 興  
居多福備洽頌私承示在某處開設衣莊吾 兄擅長貨殖一切動中機宜將  
來獲利豐盈可以預賀况自國體改變民人便衣雖不更易而禮服制度早已  
頒行將來民間之婚嫁官場之宴會不能不照章備辦大禮服以崇體制此項  
銷路亦甚可觀加以吾兄之精心籌畫因時制宜聲譽日隆定可操券某羈於

俗務不克面致賀忱。特請管城子代表慶祝之意。緩日得暇。再趨前瞻仰。宏規順領。大教也。專肅祇頌。台安。某某謹啟。

賀友開米行函

某某仁兄大鑒。前日到府。猥承招待周至。兼荷賜以華筵。醉飽之餘。良深銘感。別後於某日行抵某埠。途中託庇平安。堪以告慰。開設米行一事。諒已經營就緒。今歲秋收豐稔。米價低廉。吾兄趁此時機。開設行棧。進價既賤。將來獲利。操券可期。加以大才磐磐。見識遠大。乘時射利。必占優勝之勢。方今時勢擾攘。政學各界。變幻萬端。哲人知幾。轉不如隱於商業。尚有蕭閒自得之趣。某終歲碌碌。作嫁依人。未嘗不思自創一業。為瞻養室家之計。奈既絀資財。又少閱歷。徘徊瞻顧。終不敢輕於一試。以視吾兄之碩畫雄貲。相去真不啻霄壤矣。率臆奉布。祇頌爐安。謹賀大喜。某某謹啟。

賀友開絲廠函

某某仁兄大鑒。前月趨謁。暢聆雅教。兼飫華筵。感荷隆情。匪可言喻。執事慨中國絲業之不振。特出鉅資。經營絲廠。魄力之厚。籌畫之精。匪特於商

適用西曆  
界上放一異彩。且於中國商業前途。影響實非淺鮮。將來獲利之豐。可以操券預卜。某滿擬親自趨前祝賀。藉以瞻仰宏規。奈為俗事所羈。不克如願。先此馳箋道賀。縵以幃緞一懸。聊申慶祝之意。專泐祇頌。籌祺順賀大喜。某某謹啟。

國慶節請某君到會演說函

某某先生大鑒。敬啟者。本月十號為國慶令節。凡我國民宜伸慶祝之禮。現已預備某處為會場。遍請政學商各界到會。共伸慶賀。藉抒愛國之忱。惟是日必須有名人士演說。以振起國民之精神。發揚國民之意氣。俾永永不忘國慶之紀念。於民國前途。影響實非淺鮮。吾公雄辯大家。凡所演述。無不切理饜心。為一般社會所欽仰。屆期務懇早蒞會場。發表意見。想公素以開通社會為己任。決不致退讓不遑也。除備柬敬邀外。用特專函奉懇。萬祈勿却。祇請大安。諸祈垂鑒。某某謹啟。

致總商會請轉各商會組織赴美賽會出品會

逕啟者。案照美國巴拿馬運河開通。於一千九百十五年。開萬國博覽大會。我國承諾赴賽。業已通牒美政府。酌留會場地址。預備建築陳列在案。查此次賽

會全以改良商品。拓張貿易。為根本扼要之圖。我國地大物博。珍異駢羅。果能攷究改良。揣摩外人心理。精研製造裝潢及廣告之術。何患神州物產不能投銷歐美。所慮者泄沓因循。錮習不化耳。茲經本局開會研究。凡有大宗物產。向為外人所注重者。均應由農工商各會。聯絡各出品人。組織同盟出品會。以為聯合赴賽之預備。至一切組織手續。並須早為籌備。茲事體大。斷非一手一足之烈。所克奏功。倘能通力合作。務底於成。則非獨實業前途之幸。而亦中華民國前途之幸也。凡我國民。宜共任之。除分函外。相應函達貴會。即希查照。見復為荷。

致友請作文明結婚証婚人函

某某先生偉鑒。久別。光儀時勞。夢藪就諗。譚庭豫順。福履綏和。至為頌

慰。敬有懇者。月之某日。為某君與某女士行文明結婚禮。某君高等畢業。學問優長。某女士畢業於某女校。於中西文字。均有研究。合兩姓之俊才。成百年之嘉偶。誠為社會上極有榮譽之事故。証婚人必求年高有德者為之。先生聲望兼隆。福德咸備。務求屆時光降。共証鴛盟。婚儀一切。尤望詳為指示。倘蒙俯允。榮幸曷勝。除敬備請柬外。用再專函奉懇。萬祈勿却是荷。敬請。崇安。諸維

垂鑒

某某謹啟

致友請擔任同鄉會會長函

某某會長先生大鑒。敬啟者。某等旅滬同人。為聯絡鄉情。固結團體。起見。特組織同鄉會於上海。初次開談話會時。咸以鄉望之隆。經驗之富。無過於執事。故大眾一致贊同。公推執事為正會長。想執事眷念梓桑。萬不致有推諉之心。致辜眾望。乃辱來函。謙光旁逮。再三推辭。殊為同人意料所不及。熱心公益如吾公。尚不肯毅然就職。勢必人懷退志。會事永無成立之期。揆諸執事平日勇於任事之本心。當亦不忍出此也。為特專函奉達。務祈勿再辭讓。俾會務得早日進行。不勝感荷之至。專肅祇請大安。

某某等謹啟

覆辭同鄉會會長函

某某諸同鄉先生公鑒。敬復者。昨以同鄉會正會長一席。萬難稱職。專函奉達。實出真誠。乃蒙諸鄉長覆函。督責之嚴。獎勉之厚。捧誦再四。愧感交縈。某於地方公益事。苟力所能為。向不敢多所推諉。惟念此項會務。責任重大。旅滬諸公有各長者在前。無論辦事之成績。昭彰已足。為某之表率。且機關敏捷。在

各長者則登高而響應在某則信用之未孚故前函係度德量力而不敢倖為  
並非畏難苟安而故事諉卸蓋論義務則不敢辭論資望則不敢不辭也必不  
得已或以會員名義隨諸鄉長後藉供驅策以仰答同人維持桑梓之苦心率  
臆直陳尚祈原諒專此敬復祇請 公安諸維 鑒察 鄉晚 某某謹啟

致友請代延律師函

某某吾兄愛鑒知己睽違倏又數月日前曾修寸牘敬候 起居未知得達

青覽否敬有啟者某近因錢債事與人涉訟法庭以事實論某固處於理直氣

壯之地位不致有失敗之虞第聞彼造深恐不能取勝已延某律師為之代辯

某既疏於法學又拙於辯才萬一公開辯論時稍一疏虞或不免失之意外因

亦擬請一律師為之輔佐惟目今律師多於過江之鯽其間能精通法學擅長

口辯者固不乏人而濫竽充數之流亦復不知凡幾吾 兄交遊素廣意中必

有合格之人務懇代為延聘應需律費若干祈一并代定開庭期迫務祈從速

示復專此奉懇祇請 台安諸維 愛鑒弟某某謹啟

覆友介紹律師擔任訟事函

某某吾兄知已前接 惠書尚稽裁答甚愧甚愧昨又 承華翰下頌展誦之餘如晤故人歡忭無量 示及近因事與人涉訟法庭囑代延律師為抵制彼造地步 某謂自民國光復後律師出現最多生意亦最興盛然此輩大都在法政速成學堂聽講數學期騙得一紙文憑即遍登廣告擔任民刑訟訴案件試一考其實際法律既未精究口辯又甚尋常但求律費到手於公開辯論時敷衍三數語便謂已經盡職於當事人之成敗利鈍如越人視秦人之肥瘠何嘗稍有喜戚於心耶某於各律師團雖多相識之人然求勝任愉快者殊不多觀君必欲延請惟某律師向來辯案似尚熱心茲已代為延訂律費若干亦已談妥祇須 君填給委任狀屆時即可出庭也專復祇請 大安 弟某某啟

托友請代選購法律書函

某某吾兄愛鑒滬江判袂倏經半年迢遞雲山頗勞魂夢即辰維 起居曼福潭祉綏娛如頌為慰敬有啟者共和告成司法獨立一切民刑訴訟皆采歐美各國制度勒成專書舉凡手續法實體法咸有一定不易之規則非如司法行政混淆時代可以意為變通故凡任法官律師者必須悉心研究條文方足

資訴訟時之援用。吾輩雖無志入司法界。但於現行法律茫無所知。不特為人  
所輕。且為保障人民權利計。亦殊不完備。聞居無事。頗擬將新著法律各書。畧  
事瀏覽。特其間孰為詳備。孰為疏謬。未經抉擇。不敢貿然購置。吾兄久處滬  
濱。聞見必廣。尚懇代購數種。寄下。需價若干。示明即繳。費神容晤謝。專此奉  
懇。敬請 旅安 弟某某鞠躬

覆友代購法律各書函

某某先生偉鑒。接奉 惠書。欣悉近日有志於研究法律。囑選購法學各書。竊  
謂既為法治國人民。於法律之普通知識。誠不能不稍事講求。第東西洋各國  
通行之法律書。譯印者殊屬寥寥。而坊肆所輯之本。號稱數十種。數百種者。大  
都為牟利計。隨意湊集。殊無足觀。今姑擇其較善者。購寄數種。暇時偶一流覽。  
亦可畧知大概。至審判廳試辦章程。新刑律。民律草案等書。各處司法官廳。目  
前辦案。雖皆以此為準繩。然其間疏漏甚多。且於吾國歷史上風俗上之習慣。  
亦未能適合。現在正式政府既已成立。將來必另由法學專家。從新編訂。又由  
議院通過。方足為吾國完備之法律也。因承 下問。藉陳鄙意。餘不縷縷。祇請

台安 弟某某免冠

懇友擔任訴訟委任人函

某某吾兄知己。握別未久。憶念良深。古人一日三秋。曾不足喻。思慕之殷也。辰維潭祺曼福。儂社康娛。至以為頌。敬有懇者。某近因某某等錢債糾葛。被人在地方審判廳控告。此案原因。前曾與吾兄談及。某僅居介紹之地位。並未為錢財之擔保。故所負責任。殊輕。惟既被牽涉。自不能不到庭。一陳原委。某向來絀於口才。兄所深悉。倘出庭辯論。必致受虧。因思訴訟章程。民事案件。本有代理人之規定。吾兄於法律素有心得。且辯才無礙。欽佩素深。務求垂念交情。代某一往。倘承金諾。俟傳訊有期。再行奉達。種種煩神。銘感無既。專肅祇請日安。弟某某謹啟

覆允擔任訴訟委任人函

某某老兄如握。正深馳系。忽奉朶雲。歡喜發函。宛如覲面。承示某某錢債案糾葛。因老哥曾作居間人。致被牽累。查此案內容。某亦略知一二。吾兄初時雖曾介紹。然訂約時。兩方面均親自接洽。居間人已可不負責任。乃原告

一方面必欲兄到庭不許脫卸干係某之愚見既係直截痛快之事何妨親赴法庭將此案原委詳細陳述理直氣壯不必稍存恐懼之心倘兄以不慣與人舌戰必欲某為代庖則既承垂愛有素亦何敢推辭特恐某口才未必過人亦或轉致有辱台命此則不能不先為陳明耳專此敬復藉頌日安

覆辭代理訴訟函

某某尊兄雅鑒。握別數旬。正深懷念。日昨遞到尺書。承示近因錢債糾葛。事為人牽涉。被控法庭。委某代表到庭辯論一切。辱承知愛。本不敢辭。惟某於法律向少研究。口辯又非所長。冒昧代庖。轉恐於事有損。且某於日內因事須向某處一行。歸期不能預定。因此種種障礙。以致有辜。雅命抱歉良深。某意

吾兄於此案既僅居紹介人地位。祇須到庭將事實陳明。法官必須按律而行。斷不能強人行無義務之事。萬一慮短於口才。或有意外之失敗。則不妨延一律師代辯。此種尋常案件。律費亦並不昂貴也。縷縷瑣陳。維希鑒察。即請

大安並祈原宥。弟某某敬復

約友赴法庭聽公開辯論函

某某吾兄如握連日不見企念為勞維興起多福式符所頌為慰某某一案久未判決外面輿論聚訟紛紜然皆未必能得其真相茲聞法庭已示期某某號公開辯論是日旁聽券發出不多而往聽之人聞已非常踴躍吾兄近頗究心法律似此重大案件不易多覩屆時如往旁聽尚希示及某願追隨同往因法律僅恃看書進步亦殊不易遇此等好機會必須實地研究藉以增進閱歷也專此奉布祇頌文祺  
某某謹啟

約友赴股東會函

某某仁兄著席連日頗擬過訪以陰雨連綿道途泥濘末由如願伏維侍祺佳勝撰社康娛慰如所頌某某公司已登廣告定於下月某號開股東大會報告帳畧修改章程此事頗關係重要該公司營業雖尚發達然開銷一切浮濫頗多吾輩既投巨貲實與有密切之關係必須彼此研究令其設法改良不能持放任主義致失股東權利也屆時某必到會有所陳說吾兄如表同情希先示及以便坻車同往較為有興專此奉訂順頌侍祉并候回玉  
約友赴追悼會函

某某吾兄文几前辱 過訪晤談甚歡連日矣威甚熾竟不能冒暑出門甚為  
悶悶某君提倡教育非常熱心經其所辦之各學校無不成績昭彰成才甚眾  
吾鄉學界方賴以維持不謂未逾中年竟賫志以歿同人追思遺澤哀感良深  
現定於下月某號發起一追悼會假某處為會場凡與某君知交當無不到會  
共申哀悃吾 兄與某君感情素厚諒亦深表同情屆時尚希便道過 舍以便  
偕往 專此奉訂祇頌 文祺  
某某謹啟

約友赴歡迎會函

某某仁兄知己數日之別如隔三秋連日頗擬過訪以寒威料峭憚於出門比  
維 興居多福至以為頌某君留學外洋已歷數載於實業學研究頗精茲已  
畢業回國同人等發起於月之某號開一歡迎會以聯情誼并須請某君演說  
各國實業之狀況以與吾國情形互相印証俟開會時某擬前往會場一聆其  
議論藉廣見聞吾 兄素有志於實業屆時有興同往或 弟 赴尊齋或 兄惠  
臨寒舍以便偕行專此訂約惟祈鑒察祇頌 文祉  
某某謹啟

約友暑假後旅行函

某某先生偉鑒。前奉 瑤函如親晤語。時以校務紛紜。絕少暇晷。致裁荅稽遲。甚罪甚罪。敝校現遵部章。於本月某日放假。回思數月來。盡瘁於教育事業。紛雜凌亂。腦筋為之不靈。茲擬乘此假期。遊歷山水名勝之區。以蕩滌我胸襟。沿途又可考察物情。訪求名迹。為增長智識之計。於教育前途。或亦不無小補。先生學問精粹。而又素饒遊興。倘表同情。某當束裝前來。結伴偕行。途中既不嫌寂寞。且舊學商量。新知培養。彼此獲益。當非淺鮮也。餘不縷縷。祇請 大安。 鵲候 回玉 弟 某某鞠躬

覆友贊成暑假後結伴旅行函

某某先生惠暎。正深馳系。忽奉 手書。披誦之餘。歡喜無量。嘗謂吾輩羈身學界。春秋佳日。辜負良多。惟此暑假休業時間。正當小作遨遊。一摠懷抱。且旅行所至。或考察天然之事物。或憑弔歷史之英雄。增進智識。發舒意氣。所謂百聞不如一見者。意殆在此。某蓄志已久。苦於未得良伴。今得 先生倡議。乃欣同調。不孤 敝校定於某日給假。某返舍後。稍事部署。即當專函訂期。并定地點。附驥之榮。不勝欣幸。專此奉復。順請 大安 弟 某某免冠

因疾辭暑假結伴旅行函

某某先生賜鑒。一昨郵筒遞到

大札。發函朗誦愉快莫名。承詢暑假旅行。某

極表同情。今日教育家恒言。教授時所依據之標本模型。多屬人為的。而非天然的。欲養成正確之知識。活潑之意趣。當以旅行為唯一方法。先生科學淵深。夙所欽佩。加以實地觀察。於教授時定當放一異彩。某頗擬追隨左右。稍擴見聞。奈入夏令後。溼氣為患。精神委頓。必須養息數旬。力與心違。徒呼負負。俟先生遊倦歸來。趨前領教。倘得暢聆。雄論當如身親目擊也。特此奉復。

即請 大安。弟某某脫帽

薦友充國文歷史教員函

某某先生大鑒。前奉 惠書。尚未裁答。茲又辱頒 華翰。慰問殷殷。故人厚我。

良深銜感。比維 學業日新。榮問休暢。至以為慰。 貴校自經 公接辦。學

務非常發達。自非熱心教育。不憚辛勞。曷克臻此。前函述及 貴校國文兼歷  
史教員。刻已告辭。明歲須另行延聘。目今國學衰微。此項人才。殊不易延訪。况  
文學即甚優美。而向未擔任教授。閉門造車。或未必出而合轍。現今欲求合式

之國文教員。一時頗亦不易。茲有友人某君。係在某高等學堂最優等畢業。於國文歷史兩科。根底極深。品尤純粹。曩在某中校教授數載。成績頗優。茲因省中所派校長。引用私人。所有全校教員。一律辭退。故某君現正賦閒。如承延請。於貴校。必有裨益。特在知愛。故敢為之介紹。合否望速示。回音專此祇頌。撰安。

薦友充西文西算教員函

某某先生偉鑒。昨奉數行。諒經覽。比維興居康勝。撰述宏多。至以為頌。昨聞某某君談及。貴校英文兼西算教員。現正缺人。未審前教員某君。是否另有他就。抑由貴校辭退。現距開學期近。曾否延訂有人。如未訂定。敝友某君。似尚相宜。某君向在某高等學校最優等畢業。西文程度甚高。西算尤為專門之學。向在某校充當教員。學生成績優美。為各學校之冠。嗣因離家較遠。往返不便。故即辭退。貴校如願延聘。甚為合宜。某與某君相知已久。深知其學問性情。故敢為之介紹。俟奉復函。應允。再偕某君來前。面商一切。吾公素以提倡教育為心。定能契洽無間也。專肅祇頌。台安。某某謹啟。

薦友充公司繙譯員函

某某仁兄惠鑒。申江判袂。倏又數旬。遙企丰儀。曷勝秋水蒹葭之感。辰維籌祉增綏。潭祺迪吉。慰如所祝。昨某某君來舍。談及貴公司譯員。刻已另有高就。未知接任者曾否有人。貴公司近來營業。日益發達。時有與外人交涉事件。誠不能無通曉西文西語之人。以達情愫。敝世姪某某。向在某教會學堂畢業。於西文西語。頗臻純熟。人亦老成練達。安穩精詳。倘貴公司正在需才之際。不妨令渠試辦。以觀其果能勝任與否。某某家尚小康。現在惟以歷練世故為目的。薪水一層。並不計較。如蒙錄用。速賜復音。當囑其趨前。面領教益。言不盡意。即頌潭祺。並候回玉。某某謹啟。

薦友充書局編輯員函

某某尊兄惠鑒。正深馳系。忽奉華牋。備論執事與某某諸君。合資組織書局。編輯各種新書。目今共和國民。以教育普及為宗旨。然欲求教育普及。非多編有用之新書。不足以供社會之需要。貴局發軔之初。即注重於此。將來營業發達。名譽隆盛。定可預賀。所有編輯人員。未知已均訂定否。敝友某某君。長於國文。各科學亦粗知門徑。至於小說雜體。尤所擅長。從前代某書肆編撰各書。久已

風行中外。貴局如尚需才。某當為之介紹。倘承延訂於貴局商業前途。必大有影響也。專肅奉達。順頌。籌祺。恭候。回玉。某某謹啟。

薦友任學校管理員函

某某先生偉鑒。濶別光儀。瞬又數月。每懷丰采。時切遐思。比維道履。綏和。榮問休暢。至以為頌。前晤某君。談及貴校管理員。明歲另有他就。現正物色此項人才。以補其缺。因思校風良否。教員固擔其責。而管理員一席。尤必須得人。苟非具普通知識。而又閱歷素深者。即不易為學生所悅服。或因之而起風潮。此中關係。殊非淺鮮。敝友某某君。曾充某校管理多年。辦事認真。性情又甚和易。夏間因病辭職。茲病已告痊。倘尊處相需正殷。弟願為之推薦。是否適合。尊意即乞示覆。數行為荷。專肅祇請大安。某某謹啟。

薦友任學校會計員函

某某先生偉鑒。睽違雅教。時切馳思。比維道履。增綏。如頌為慰。近聞貴校組織完善。榮譽日增。此皆由執事熱心教育。殫精竭神。盡力整頓。故有此良好之效果。昨晤某某君。談及校中會計員一席。因不甚合宜。已經辭退。暫由

執事兼任。且謂苟有相當人才。囑令代為羅致。因思會計一職事甚繁瑣。執事殫心教授。已甚辛勞。倘再兼此事。未免太形勞瘁。茲有舍親某君。曾在高等小學畢業。辦事精明。頗有條理。如今充當會計。似可稱職。某與某君相知有素。故敢為之紹介。至於銀錢一切。尤願全力擔保。如承招致。俟奉復音。即囑其趨前領教。專此奉布。順頌  
道安。並候  
回玉。  
某某謹啟

薦友充公司書記函

某某吾兄。知己。前月奉到  
惠函。尚稽答復。昨又辱頌。雅翰藉稔。起居康勝。至為欣慰。并悉近與同人組織某某公司。藉以提倡實業。方今世界咸趨重於商戰。吾國政體雖改建共和。貧弱猶昔。苟非於實業力爭上遊。將來經濟界之墮落。殊為可慮。吾兄見及於此。足徵識力過人。欽佩何似。公司現既成立。想用人必多。書記員一席。如未訂定。某有至友某君。辦事精詳。文理亦頗優美。歷辦某某會所書記。均能稱職。某與某君相知有年。故敢為之紹介。貴公司正在需才之際。或不以某為多事也。肅此奉布。順頌  
籌安。  
某某謹啟

致友薦商店學徒函

某某仁兄惠鑒。日前在某君處。忽忽一晤。未盡所懷。別後於何日抵申。近維  
籌祉康綏。幸福無量。式符忭頌。敬有懇者。故人某君之子。年甫十餘。已在小學  
校畢業。文理清通。人亦安詳謹飭。惟因家况清寒。不能再事培植。况現在學界  
中謀事甚難。即中學或大學畢業。亦未必有相當之位置。因決計從事商業。將  
來或有出人頭地之一日。因聞 貴號規則謹嚴。局面宏敞。故擬令其前來學  
習。俾有所成就。到申後。尚擬令其於習業餘閒。就附近學塾。學習西文西語。因  
現在貿易場中。能畧諳西國語言文字。到處便益也。務祈 推愛屋烏。俯允收  
錄。則感激者不止某一人已也。專此奉商。維希 垂鑒。即頌 籌祺。某某謹啟

致友薦女校管理員函

某某尊兄大鑒。舊雨睽違。殊深遐企。前辱 華翰。藉知 嫂夫人組織女校。培  
植一般女子。使皆有普通知識。為將來家庭教育之基礎。且章程中注重於縫  
紉烹飪諸科。養成賢母賢妻。用意尤為篤實。與但矜形式。徒驚虛名者。相去不  
可以道里計。似此苦心經營。有益於吾國女界。殊非淺鮮矣。來函述及管理員  
一職。目下尚未訂定。囑轉詢 內子 代為物色人才。尤見求才佐理。虛懷若谷之

至意。茲有舍堂妹某某女士。向在上海某女校。與內子同時畢業。學問粗有門徑。管理法亦研究有素。貴校現既需才。某敢援舉不避親之例。特為推薦。尚祈轉致。嫂夫人是否相宜。即日示覆為盼。專肅祇頌。著安。嫂夫人前。內子囑筆問候。某某謹啟。

致友托薦新聞職業函

某某仁兄大鑒。久違。雅教時切懷思。比維動定勝常。起居曼福。定如所頌。某自高等學校畢業後。友人勸赴東洋學習法政。某以現今法官律師已多如過江之鯽。而司法經費支絀萬分。政府方有裁併司法衙門之議。故深不願再以法學誇炫於時。且某之素志於新聞事業。頗喜研求。近今世界大勢及吾國政界情形。亦尚有一知半解。久稔吾兄與報界中人深相契合。比聞某報館名譽優美。報紙消行極廣。倘或編輯需人。務望鼎力一言。無論撰述編輯。自揣尚可勝任。彼此知交有素。諒不疑某之始勤終惰。致負推薦之盛意也。專肅布臆。維鑒不宣。即頌著安。某某謹啟。

致友托薦學校教員函

某某先生偉鑒。日前文旌蒞郡。幸接芝暉。抵掌傾談。曷勝快慰。別後於何日抵校。當此學風頹廢之時。得吾兄熱心教育。諸生獲益必多。宜乎貴校成績之優美。為合郡各學堂之冠也。邇來年假在即。明歲各教員未知有無更動。弟在校數年。師生感情尚好。惟擔任功課較多。精神殊難兼顧。且離家過遠。亦覺不便良多。因思吾兄執全校職權。倘各教員中有年假後辭職者。能為弟留一位置。最感盛情。否則就近各校。或有更動教員之處。尤懇隨時留意。侍在。愛末。故敢瑣瀆。專此奉懇。祇頌文祺。某某謹啟。

致友托薦商界事函

某某仁兄大鑒。久疏把晤。渴念良殷。邇維籌祉康娛。起居佳勝。仰瞻吉采。定洽頌私。某經理敝號已歷多年。一切貿易托賴洪福。尚稱平順。惟敝號係數人合資股開。邇因股東意見參商。不願接續營業。故現有盤頂於人之說。雖未立正式契約。然已事在必行。某與新東素無感情。故經理一席。決不稍有戀棧。一俟盤頂事畢。即須正式告辭。自問精力未衰。於商業亦畧有經驗。倘尊處各號或有需人佐理之處。務祈鼎力吹噓。俾不致有賦閒之慮。想素蒙垂愛。或

不斥以煩瀆也。專肅奉懇祇頌。

財祺恭候。

回玉。

某某謹啟。

致友托薦政界事函

某某先生大鑒。久別。芝顏渴塵萬斛。仰循聲之卓著。知建樹之不凡。翹企勲猷。曷勝額頌。某蟄居里巷。鬱鬱終年。自審才識迂疏。本不敢出而問世。第以家無恒產。際此米珠薪桂。經濟不無困難之時。因念吾重要之職權。搜採人才。為途甚廣。如某之學識淺陋。誠不敢與才俊爭衡。然樞楠杞梓。固見賞於大匠之門。而馬勃牛溲。亦未必盡棄於名醫之室。倘蒙垂念。故交。量予位置。某當謹守職分。所當為。或不致有辜盛意也。專肅奉懇祇請政安。

某某謹啟

覆友薦事從緩報命函

某某老哥。著席日前。台駕光臨。備領雅教。感佩殊深。文旌旋里。愧以俗務匆匆。未遑走送。茲奉手翰。展誦之下。藉誌潭祺佳勝。文祉康娛。如頌為慰。尊委說項。本當即日上覆。惟老哥文壇健將。名譽日隆。必獲一相當位置。始足以展長才。緣此躊躇乞假時日。徐圖報命。臨穎不勝悚惶。專此佈覆。敬請撰安。

致友人借貲遊學函

某某吾兄知己別久思深諒同彼此前日曾奉寸柬藉表拳拳想蒙  
譽覽即辰維興居集祜潭第增祥至以為頌某自去歲中校畢業友人即勸遊學  
外洋或習工商或習法政為將來謀生之基礎自思年已蹉跎不得不急思自  
立之計惟預算川貲學費為數匪輕某之景况兄所深知驟欲措辦此款實  
屬力有不逮為敢作將伯之呼擬向吾兄假貲若干他日學成歸國子母照  
數奉繳吾兄素肯成人之美當能俯如所請也專此奉懇順頌  
台祉

致友借資營業函

某某吾兄知己別甫數日如隔三秋憶念之私諒同彼此即辰維  
潭祉吉祥興居多福慰如下頌某頻年奔走作嫁依人雖辛苦略積餘貲而賤軀已難  
勝勞瘁現有至交某某等慫恿合貲經營商業某默計此項貿易似尚可獲利  
故已允為附股惟現有貲財尚苦不足擬向吾兄暫假若干以半年為期如  
蒙慨允當奉抵押品及正式契約子金若干敬候  
尊命恃在至交用敢奉  
商千祈勿責冒昧為幸專肅祇頌  
台安恭候  
回玉  
某某謹啟

致友借大禮服函

某某吾兄雅鑒。日前暢聆雅教，殊慰渴懷。即辰維興，居住佳暢，至以為頌。月之某日，某宅行文明婚禮，東邀某作証婚人，某以彼此至交，不能不允所請。惟婚姻大典，必須穿民國禮服，方足以昭鄭重。若僅便衣從事，未免不恭。用特向尊處暫假禮服一用，領巾等乞一并惠假。事畢即行奉趙，不誤。如承俯允，祈即交來人帶下為荷。專肅祇頌。日佳。某某謹啟。

致友請展緩借款期限函

某某吾兄大鑒。久違雅範，時切馳思。昨奉手函，敬悉一是。並諗起居多福，潭第增祥。慰如下頌。尊處一欸，本擬早日歸還。奈今歲所入不豐，除勉支家用外，實無餘貲。况承吾兄既通融於前，可否再展緩數月。容某設法籌措，自當本利清償，斷不負有負。雅意恃在，愛末故敢有不情之請。倘承允諾，感難言喻。專肅祇頌。日祉。某某謹啟。

致友托代抵借函

某某吾兄賜鑒。前日趨謁適台從外出，未得暢領教言。即辰維興，起居佳。

勝曷勝忤頌。某年來入不敷出。常處窘鄉。近又因某事。出款為數頗巨。周轉益覺不靈。家有薄田數畝。不得不暫為抵押。以應急需。奈一時又苦無受主。吾兄交遊素廣。待友又極熱心。用敢不揣冒昧。敬懇代為設法。無論銀行住戶。暫行抵洋若干。以一年為期。屆時本息清償。決不有累。知已尚祈垂念故交。勿稍推却是幸。專肅祇請大安。某某謹啟

致友托代索借款函

某某仁兄如握。前承枉顧。簡褻良多。方深歉仄。乃辱來函。齒及益增汗顏矣。即辰維起居曼福。至以為頌。某經商海上。碌碌如恒。幸賤軀猶適。足以告慰。垂注敬有懇者。去歲某君曾向某借去一欸。約以年終歸還。茲年闕已屆。曾向函索。未得復音。某又為俗務所羈。不克分身前往。用敢有煩吾兄代向一催。如收到後。祈即設法寄下。不勝感荷。專肅奉懇。祇頌台安。某某謹啟

致友催贖抵押品函

某某仁兄大鑒。久未箋候。起居每於友好往還。詢悉動定多福。曷勝欣慰。去年執事以某某物品。委弟作保。抵押於某處。言明以一年為期。本利歸

楚。茲期限已屆。前途屢來催促。用特函達。左右。祈即日備齊本息。將抵押品贖回。吾兄素以信用為重。諒不致誤期。轉令弟為難也。本擬趨前面商。因迫於俗事。苦無暇晷。特先函布。敬頌 台祺。 某某啟

致友請取消借約函

某某仁兄雅鑒。久別。光儀。時形寤寐。惟苦為俗事牽絆。不克賤候。起居。至為歉仄。去歲。弟因深入窘鄉。曾向 兄移借一欸。荷蒙 慨諾。甚感盛情。本年。托庇 洪福。營業順適。略積餘資。茲特備齊本息若干。送呈 登入。前有借契一紙。存於 尊處。尚懇即日檢出交還。如一時不便。當於三數日內趨 府面領。藉叙濶衷。專此謹頌 日祉。 某某啟

致友借屋函

某某仁兄大鑒。前月接奉 惠函。敬悉 興居住佳勝。潭第吉祥。如頌為慰。某頻年奔走。作嫁依人。故鄉房屋久已頽敗不堪。殊不足以庇風雨。欲另行建築。非特囊無餘貲。且亦無此閒暇。故因循至今。尚無棲止之所。刻下擬送眷回里。一時無相宜之房舍。聞 尊處新建之屋。頗有多餘。可否暫借數椽。以安眷屬。

每月租金若干。示明照奉如蒙。允諾。曷勝感荷。專肅祇頌。台安。某某啟。

致友借陳設品函

某某仁兄惠鑒。一月不見。企念為勞。邇維興居多福。至以為頌。某所辦學堂。現屆舉行畢業之期。擬請政界某君到堂。給予畢業証書。并擬請各界前來觀禮。務望吾兄屆時。惠臨。以增榮寵。是日各事已畧有預備。惟客座內陳設品。尚慮缺乏。尊處花草盆景甚多。可否暫假十餘種。此外檯單鏡屏之屬。亦懇惠假數件。用後奉趙不誤。專此奉懇。祇頌。近祉。某某謹啟。

致友借貲置產函

某某吾兄賜鑒。前由郵局遞到。惠書。備承眷注。足徵故人愛我。在遠不遺。感荷隆情。匪可言喻。即辰維起居佳勝。如頌為慰。某年來硯田所入。除家用外。畧有盈餘。現適有相當田產。價尚合宜。擬即購置。為八口饘粥之需。惟現貲苦不足數。擬向尊處移借若干金。子金若干。示明照奉。期限以半年為率。到期子母清償。決不有誤。如蒙允諾。不致失此好機會。最為銜感。專此奉懇。祇頌。台祉。恭候。回玉。某某謹啟。

致友托代移欸函

某某吾兄大鑒。前日顧舍簡慢良多。別後諒早安抵珂鄉。維潭祺安燕。文祉綏娛。至以為頌。敬有懇者。某近因經營一事。需欸若干。所有現貲。殊不足數。擬請吾兄向銀行代移銀若干兩。當以業田若干畝為抵押品。借期擬定六個月。屆時本利一并清償。斷不有誤。務仗鼎力。速與商明。契約上并懇借重尊名。作為擔保。恃在知愛。故敢奉瀆。某素以信用為重。斷不有累吾兄為難也。專肅奉懇。祇頌時祉。

某某謹啟

致友舊歷年關索欠函

某某仁兄如握。久疏箋候。憶念良深。適維潭第增祥。起居集祉。如頌為慰。敬有啟者。尊處前移一欸。契約上載明年終本利清償。現舊歷已屆年關。習慣上為欸項結束之期限。且敝處出欸繁多。急待料理。為特函達左右。務請將該欸本息。即日交下。或示明日期。由某趨前領取。亦無不可。催促之愆。尚希原宥。專肅奉達。順頌日祉。

某某啟

致友新歷年關索欠函

某某仁兄如握久疏面晤渴念良深辰維 潭祺安吉。文祉綏和至以為頌。敬有啟者前代 尊處向銀行介紹一欸約期新歷年終本息歸楚現在陽歷已屆十二月中旬。銀行因某係擔保之人曾遣人前來知照囑為一催為特專函奉達尚希將此欸本利即日備齊或交由某轉付或直接交付該行均無不可。惟年終期限萬不可過以保信用是為至要專肅祇頌 時祺 某某啟

覆友婉却借款函

某某吾兄惠鑒久違 雅範殊切懷思頃奉 惠函欣諭 起居住勝如頌為慰。來示因與人合股營業缺少資本擬移欸若干揆之朋友通財之誼本不應稍有推辭况彼此交誼深厚更應勉竭綿力贊成美事奈 某年來出欸浩繁而入欸則反見減少此中為難之處 兄所深知因是力與心違難以勉遵 台命萬分抱歉 知我者必能相諒也臨穎不勝悚惶之至專肅祇頌 台安 覆友借款難以展緩函

某某仁兄大鑒前奉數行諒邀 清聽翹企數日未奉 覆音殊深焦盼前此代移之欸本約六個月清償由某擔荷完全責任今到期在即前途頻頻來催

其勢萬難展緩。萬一到期不能歸楚。非特吾兄有失信用。且某亦難以對人。為特再行催函。務祈將該款本利備齊交下。以便轉付。藉清經手。催急之處。實因萬不得已。尚乞鑒原。專肅祇頌。日佳。某某啟

覆友婉辭代移款項函

某某仁兄如晤。正深馳系欣奉。朵雲藉悉。起居康勝。慰如所頌。來示因有要需。委代借款項若干。吾兄名譽盛隆。况所辦又係正事。苟有可以為力之處。自當竭力代謀。無如近來金融機關。非常阻滯。曾向各莊詢及。並無餘貲。可以出借。為人謀而不忠。深媿有負。委托為特。據情奉復。祇好請設法免誤要需。兄固知我者。諒不疑某之有意飾卸也。專肅祇頌。台安。

某某啟

國家圖書館



002940429



民國適用酬應全書卷十

電文

各省督軍省長賀黎大總統就職電文

大總統鈞鑒。恭讀虞雷。欣稔我大總統上根約法。下順輿情。力任其難。爰正厥位。當海水羣飛之日。觀星雲旦復之辰。作善降之百祥。行仁政猶倒懸之解。惟民歸於一德。慰國人如望歲之心。從茲經緯萬端。權輿庶政。兵氣消為日月。國基固於苞桑。寰海喁喁。吉祥止止。謹率定武暨皖省軍人同伸歡祝。用表悃忱。張勳叩庚印

黎大總統鈞鑒。奉陽日雷諭。謙光盛德。照耀寰區。統全國之治安。慰人民之仰望。至誠格物。天下傾枕。守佑職守。攸羈莫由。覲賀謹當克勤厥職。仰答仁懷。漢水方深。克比淵冲之雅量。燕雲遙護。益瞻庇蔭於鄉邦。謹貢愚忱。伏祈崇鑒。署湖北巡按使范守佑齊印

黎大總統鈞鑒。恭讀虞雷。欣聞我大總統依法繼任。兆民有賴。名正言順。天與人歸。日月載新。遐荒同慶。惟有功斯能奠國。亦惟德足以服人。華翁再世。發東

西大陸之祥。天下一家。是南北協和之會。願維嶺嶠。敢外生成。謹集同寅。齊呼萬歲。署廣東粵海道道尹楊觀東。高雷道道尹梁志文。署司法廳廳長葉鏡湜。謹呈真。

黎大總統鈞鑒。恭讀京電。欣悉已就大總統任。聞命之餘。普天同慶。從此國基永奠。挽一髮於千鈞。民氣昭蘇。頌元首者五族。世儲備員邊鎮。勉應時艱。服從共和。願盡天職。率邊軍而起舞。共祝民國千秋。向勳斗以騰歡。三呼總統萬歲。廣東欽廉鎮守使隆世儲叩庚印。

大總統鈞鑒。接奉陽電。具仰謙懷。我大總統遵約法之成言。塞天下之眾望。出當艱鉅。力策安全。庶仰當年締造之功。同享萬歲共和之福。文烈謬膺重寄。無補時艱。誼分宵旰之憂。敢竭駑庸之力。謹電復陳。河南巡按使田文烈庚印。

黎大總統鈞鑒。接國務院電傳。奉袁大總統遺令。依照約法。以鈞座代行職權。本經緯草昧之元勳。膺遺大投艱之重任。耳目所屬。中外同欽。值此飢渴求援。倒懸待解。中樞幹運。端賴宏猷。國璋耀琳。自當力保治安。勉圖襄贊。謹率全省文武官吏及軍民人等。抒忱馳賀。伏乞垂鑒。國璋耀琳叩陽。

黎大總統鈞鑒。佳日恭奉鈞電。欣承我大總統於中華民國五年六月七日就任。敬聆之餘。忭舞逾恒。伏維我大總統名齊北斗。席正中樞。欽盛世於唐虞。共和鞏固。溯神威於江漢。邇治光昭。由茲海不揚波。知中國之有聖。咸喜日逢復旦。舉天下以為公。元首啟明。四方來賀。繼堯匏懷。滇迤葵向。燕雲從金碧。以陳詞。虔修駢啟。合蒼赤而獻悒。恭賀鴻禧。除由本省舉行慶祝外。謹此電陳。伏乞睿鑒。雲南都督唐繼堯謹率全省文武紳民同叩真。

各省人民賀黎大總統就任電文

大總統鈞鑒。我公依法繼任。薄海歡騰。報傳新政方針。尤飭喁喁之望。開來鑑往。標本兼籌。從此自治復生。農商交利。曷勝舞蹈。謹祝大總統萬歲。民國萬歲。江蘇通崇海泰總商會長張譽副會長周坦暨甯通揚淮徐海各屬四十商會全體會董商民公叩鹽印。

黎大總統鑒。依法繼任。民願以償。天下太平。國基永固。普天同賀。薄海騰歡。熱河商會及教育會同叩。

黎大總統鑒。我公就任。萬姓臚歡。中華大局。從茲砥定。南北爭點。指日冰消。夙

仰我公善體天心主持人道今日得行其志必能福我同胞公民等欣慰之餘  
尤深靈望願我公本援溺救饑之素志抒福民利國之新猷共隸帡幪同深感  
禱天津紫竹林望海樓城內靜海縣鹽山縣慶雲縣公教進行會同賀庚  
黎大總統鈞鑒大局瀕危千鈞一髮我公憫時興起力任艱難通國傾心化干  
戈為玉帛兆世界以祥和商旅實首蒙其福謹合詞電慶天津商學公會全體  
會員叩支

國務院轉大總統鈞鑒恭讀七日申令塞外商民莫不歡欣鼓舞商民等望治  
久矣我大總統首創共和功德超邁從此挽回大局奠定國家國民幸甚謹申  
慶賀藉達下忱哈爾濱總商會叩

黎大總統鈞鑒奉讀國務院語日通電欽聞我大總統依約法繼任兆民有賴  
薄海騰歡伏維大總統手創共和重扶日月永銷金革共慶昇平敬達賀忱伏  
維垂鑒廣東菸酒公賣局局長王秉必謹呈蒸印

各省官吏慶祝大總統壽辰電文

北京大總統鈞鑒某月吉日恭值誕辰伏維崧嶽毓靈光華復旦堯天敷化禹

甸輸誠。聯五族以鞏共和。五色煥國旗之采式。萬邦而大和會。萬年同宗。卣之文屬當序。秩西成。欣際星輝南極。慶孚家國。歡溢軍民。某某等同隸幟幟。攸羈職守。情殷覲祝。迹阻躋僂。用稽九版之疇。遙獻三多之頌。某某等無任歡欣。忭舞之至。除於某某日。在將軍行署。敬謹遙祝。外。謹合詞恭電。以聞。某省某官某某等同叩。

大總統賀副總統當選電文

本日總統選舉會開會。執事當選為中華民國副總統。敬維執事。旬宣南服。砥柱中流。惟殊勲之懋建。遂眾望之攸歸。萬派朝宗。眾星拱極。際茲龍虎風雲之會合。足徵箕畢好惡之大公。從此前喁後于。左提右挈。揆文奮武。壽國康民。黃炎子孫。同食公賜。翹瞻棨戟。無任歡呼。特電馳賀。伏維垂鑒。(下署姓名及詩韻日期)

蘇議會賀馮副總統當選電文

大總統國務院參眾兩院鈞鑒。督軍馮公。弁冕東南。坐鎮雅俗。勳高大樹。屹若長城。茲當選為副總統。中外咸慶得人。邦基益臻鞏固。瞻望前途。祝頌無量。蘇

議會東印

各省督軍省長賀段祺瑞任國務總理電文

段國務總理鈞鑒。奉大總統禡電。欣悉眾議院於本月二十一日四百十四人開會。我公以四百七票。同意總理國務。逖聽之下。歡忭莫名。竊維民國締造。歷盡艱難。帝制颺興。海宇騰沸。我公於震撼危疑之中。毅然以國家為己任。提挈南北。砥柱中流。以補天浴日之才。佐旋乾轉坤之業。卒使全國統一。中外翕然。當茲大難新夷。人心思治。經國會之信任。秉樞府之鈞衡。從此翊贊同心。時艱共濟。得人既慶。國本斯宏。延企燕雲。莫名鼓舞。謹申賀頌。無任馳依。貴州督軍兼署省長劉顯世叩梗印。

大總統國務院段總理鈞鑒。大總統禡電敬悉。無任歡忭。溯自共和再造。南北一家。當存亡絕續之交。定震撼危疑之局。惟我大總統仁聲義聞。收已渙之人。心尤賴我總理宏濟艱難。支將傾之大廈。安石繫蒼生之望。李晟為社稷而生。今國人皆曰賢。斯民情大可見。所願俯納羣流。咸有一德。謀精神之統一。求政治之刷新。庶振民生之凋殘。用奠國基於磐石。可澄待罪疆圻。誼同休戚。喜真。

不寐。幸國命之方新。頌敢忘規。冀微忱之共鑒。滇省長任可澄叩敬。  
段總理鑒。迭奉大總統電令。提出追認任命國務總理案。已得兩院同意通過。  
等因。我公翊贊民國。勳業昭垂。海內人心。一致傾嚮。此後樞機幹運。中外具瞻。  
惟祝益宏遠猷。以塞眾望。特電馳賀。並伸下懷。國璋耀琳有叩。

段總理台鑒。頃得京電。欣審我公簡任揆席。已得國會通過。仰見仁德素孚。兆  
民托命。明良喜起。作柱石於邦家。雷雨經綸。登蒼生於衽席。下風遜聽。雀躍奚  
如。謹肅電賀。伏希鑒察。俛嗣冲養印。

國務院段總理鈞鑒。迭奉京電。欣悉我公總理國鈞。兩院投票。全體通過。著筮  
從同。顛蒙喜起。公以宏才碩德。毅力熱忱。值南部之興師。起東山而秉政。撐持  
危局。維護頽綱。當絕續之交。定乂安之策。挽回劫運。重奠邦基。民視民聽。大廷  
式卜。公才公望。寰海同欽。時宅百揆。餽飫羣志。此後發展新猷。厚培元氣。內臻  
法治。外洽邦交。民困永蘇。國運日熾。同心同德。載頌載欣。肅電馳賀。伏乞澄照。  
陳樹藩敬印

國務院段總理鈞鑒。京電傳來。敬悉總揆一席。已經國會同意。為國為民。同深

通用西曆  
慶幸。溯自政綱失墜。國本漂搖。扶危定傾。端賴柱石。今幸鈞衡攸屬。足徵輿望所歸。從茲宏濟艱難。慰四海來蘇之望。與民更始。奠萬年不拔之基。謹率浙江軍民。為國家前途賀。並為我公賀。浙江督軍兼省長呂公望敬印。

教育部賀閩省師範學校紀念會雷文

禮義廉恥。國之四維。學絕道喪。是用陵夷。師範教育。葆此秉彝。宏此願力。以鞏固我國家久遠之基。

陳弢庵賀閩省師範學校紀念會雷文

輔世長民。化民成俗。皆有待於師資。精以擇之。厚以培之。數以用之。海濱之學風。庶幾其不墜乎。

各省官吏哀弔袁大總統薨逝雷文

國務院鈞鑒。堂密奉到魚雷。驚痛無地。哀我元首。再造中國。宵旰焦勞。方以睿躬不豫。當迓天庥。益占康吉。詎意昊天不弔。哲人云亡。北望雨泣。摧折肝腸。伏讀遺令。宣告之苦心。彌思生死為國之嗣德。純等守疆有責。敢不遵從遺令。竭盡能力。共維治安。以慰我大總統在天之靈。除分別電飭文武官兵遵照。力保

地方秩序。並出示曉諭。以安民心。外謹合詞電覆。惟祈垂鑒。李純感揚叩麻印。  
國務院鑒。堂密。迭奉魚麻雷。驚悉袁大總統因病薨逝。棟折榱崩。中外震悼。捧  
讀之下。涕泣莫名。敬率三軍暨文武官吏。撫膺慟哭。北向舉哀。並分飭各官署  
一律下旗。以誌哀悼。善德等仍當督飭軍警地方。嚴加防範。力保治安。謹達哀  
忱。伏祈鑒察。楊善德盧永祥等叩陽印。

段國務卿鈞鑒。賡密。麻雷敬悉。前復魚雷。諒達鈞覽。國方多難。元首升遐。凡屬  
軍民。如失覆幬。純廿載追隨。受恩最厚。迴溯往事。痛徹心脾。即將校中之曾隸  
幘幪者。無不同聲痛哭。純已加以撫慰。時以大義責令。竭力維持軍中紀律。保  
持轄境治安。即所以仰報先總統師育之恩。日來軍心尚屬鎮靜。地方一律安  
寧。可紓鈞廑。先總統身後事宜。得公主持。自必毫無遺憾。純等聞之。深慰素懷。  
謹復。李純齊印。



民國酬應全書卷十一

祭文 誄詞 哀文

大總統祭楊守敬參政文

中華民國四年四月。大總統特遣內史長阮忠樞。致祭於追贈少卿參政院參政楊守敬之靈。曰。名垂藝苑。紹倚相之博聞。禮重蒲輪。法申公之為治。典型猶在。光霽難留。爰賁誄詞。式彰碩德。爾楊守敬。室今寢古。肆外闕中。朱長文墨池之編。趙明誠金石之錄。遠稽禹貢。邁焦程而奪標。詳考水經。托戴全之却步。因地志而算周。巧厯足補隋書。採顏注而旁及。決疑有功。班史篆撫秦漢。增重價於雞林。版考宋元。搜遺書於鹿島。以宗道參知政事。骨骸方資。何世南遽爾云亡。人倫失鑒。抱殘守闕。長昭津逮之功。致賻贈官。宜重飾終之典。於戲。師資安仰。歎恒幹之長摧。著作等身。幸流風之未沫。光茲幽壤。用遣專宮。情感於中。靈其來饗。

黎副總統祭楊惺吾參政文

維民國四年四月四日。副總統黎元洪。謹以清酌庶饌。致祭于惺吾先生之靈。

微言地絕異學。翰張淵哉。若人星斗之光。在困彌亨。和光愈潤。挹度淵淳。量神峰峻。世芬靡興。古歡自尋。流連墨妙。浸潤書淫。薄酒當氈。異香匝節。絕域櫻明。隔江樺潔。職方萬里。如畫平沙。左圖右史。著書滿車。經義治事。章志貞教。懷寶遁世。老而彌劬。蒲輪晚召。謂報師儒。云胡奄忽。零落邱墟。嗚呼哀哉。自我督楚。烟氛暗天。式閭表門。敢曰好賢。披閱薦書。厯厯在目。如何昊天。奪我耆宿。嗚呼哀哉。懲新竺舊。覆轍相同。滔滔天下。孰會其通。軫曜長晞。梁陰載缺。豈公為傷。憂我邦國。哀哉尚饗。

大總統祭海珠死難諸烈士文

惟中華民國五年十一月二十日。大總統特派秘書郭泰祺致祭於湯濬譚學葵王廣齡三君之靈曰。嗚呼。茫茫大陸。孰若神州。蠢生蠅息。萬派同流。孰執其機。厥為豪傑。爛爛國華。孕於鐵血。亦有文壇。二三學子。奮身挺出。不顧其死。高會指揮。天日清曜。倏然變作。九數騰焯。流星四裂。血肉橫飛。黃農遺祚。蜿蜒來歸。靈兮匪遙。肝鬢相接。裡祀苾芬。昭此義烈。嗚呼哀哉。尚饗。

大總統祭黃克強上將文

維中華民國五年十一月十一日。大總統黎元洪特遣王芝祥致祭於克強上將之靈曰。嗚呼。王綱解紐。海水橫飛。國威不振。民命安歸。天挺人豪。乘時而起。奮戈一揮。天日為靡。當其憤激。嚼齒皆空。雲翻陣黑。血染波紅。積二千年。專制餘毒。一旦廓清。還歸敦樸。江漢收功。金陵坐鎮。文雅彬彬。施於有政。天不悔禍。國境再騷。四方豪傑。跂望旌旄。今者告甯。萬邦咸喜。不有元勳。孰臻上理。方期舉國酬報。豐功云何。疾疾遽隕。英雄八表。震驚空巷。走哭矧在。藐躬夙同。茵藪撫今追昔。悲感百端。臨風霄涕。繞室盤桓。牲帛椒漿。敬奠教魄。靈爽式昭。永護民國。嗚呼哀哉。尚饗。

楊護軍使祭黃克強上將文

維中華民國五年十二月二十一日壬辰。淞滬護軍使楊善德特派本署參謀長趙禪代表致祭於黃上將克強先生之靈而言曰。嗚呼。誰實愛公。蒼蒼者天。誰實厄公。我亦呼天。微此之歸。將安責焉。公負異稟。弁冕多士。嶽麓蜚聲。窮治經史。厥志惟宏。渡海而東。首倡革命。喁喁向風。釀於壬寅。成於辛亥。贊助黃陂。奇光異彩。新政推行。留守南京。中山所倚。民族之英。何意宵人。復張帝制。力返

通用西曆  
共和甫歲厥事萬幾待舉。方藉雄才。斯人不祿。謂之何哉。網絕其綱。星失其斗。無以解之。惟天執咎。椒馨在室。松楸在門。掬誠致奠。以慰幽魂。嗚呼哀哉。伏維尚饗。

松滬護軍使祭黃蔡二公文

維中華民國五年十二月二十八日己亥。松滬護軍使楊善德特派本署參謀長趙禪代表。致祭於黃上將克強。蔡上將松坡先生之靈。而言曰。嗚呼。設蒼蒼者為無知耶。時賞善而罰惡。謂蒼蒼者為有知耶。何茅榮而蕙落。豈其理與數俱不可憑。悉聽其自存而自沒耶。若夫列子之貴腐臭。蒙莊之一死生。劉伯倫之以天地為一朝。萬物為須臾。皆屬厭世之寓言。概不足為造時世之英雄道也。兩公生當二十世紀列強競爭之時。適值前清政變凋敝之際。而又親歷專制共和遞嬗之交。產英雄以造時勢。豈得謂天之無意於中原哉。以兩公之豐功偉烈。式孚中外。雖在婦孺。亦震其名。無俟殫述。所最足異者。兩公同產湘南。同以名諸生。噪於庠。并同以濬啟新。知遊學而東渡。一則以師範學校之高材生。而嫻習戎機。一則以士官學校之高材生。而通曉法律。是殆由天授。非人力。

所能為也。顧天既畀之以異稟，而又假之以大年。凡百庶政，方待挈舉，遽以積勞致疾，不踰月而先後以殂。是天不欲平治民國，抑何奪吾兩公之速也。今者椒馨在室，松楸在門，猶冀精靈之不泯，其永障我國魂也已。嗚呼哀哉，尚饗。

上海軍警政紳商學各界公祭蔡黃二公文

民國五年十二月二十八日。上海軍警政紳商學各界同人開會追悼黃公蔡公。謹具酒漿為文以祭之。曰：嗚乎！建非常之事業，必待非常之人。而後克奏厥功。彼歐美之進化，尚克底於開通。矧神明之世胄，豈不有降嶽而生嵩。於是有人出，先後崛起於三湘七澤之中。慕共和之成法，而欲進世界於大同。一蹶再蹶，卒不懈於當躬。故能成功，赤手償其造民國推專制之初衷。不四年而風雲變幻，幾幾乎將莊嚴璀璨之民國，致有始而無終。詎期檻中之鳳，忽為天外飛鴻。南至滇疆，西聯巴蜀，一聲虎嘯，而羣起從風。義師急進，血戰苦功。轉瞬之間，竟將長天陰霾一掃而空。凡此黃公之提倡革命，蔡公之推翻專制，苦心孤詣，異曲同工。何期旬日，天維傾地，柱折摧殘。我全國景仰歐美，欽服之命世英雄，嗚呼黃公，嗚呼蔡公。民窮國弱，勢若飄蓬。胡不假以數年，抒其抱負，躋我國

適用西曆  
與歐美比隆。江漢融融。衡嶽崇崇。雲掩白日。霜落青楓。徒令人追功頌德。寄概慕於無窮。哀哉尚饗。

熊希齡等公祭蔡督軍文

維民國五年十一月二十五日。熊希齡。范源濂。張耀曾。靳雲鵬等。致祭于松坡將軍之靈曰。嗚呼。天禍神州。陰壅陽閉。累構國屯。降此大戾。澤吻磨牙。岸然稱制。形逼勢禁。吞信咀誓。將軍高節。馨若蘭蕙。垂揚蔽窗。匣劍攷弓。積書在榻。杯酒冲融。流言飛文。倏及厥躬。肆其明譏。毒逾射工。猪突豨勇。闖然及門。既異緹騎。竟驚雞豚。墮突號呶。蹂踐極軒。不罪見藉。公道甯論。恐揭之來。將軍一笑。黃鵠高飛。下俯僥僇。單騎間行。號召六詔。傳檄天下。歸仰如潮。黔滇舉烽。危旛高標。指數凶德。排斥偽朝。整兵入蜀。馬鳴蕭蕭。吳越響應。震動劍遼。萬眾一聲。痛詆劉苗。黃屋左纛。散若風颺。蜀士歸心。軍容不囂。將軍功成。弗居寵利。大樹獨立。謙逾馮異。告病南徙。餐吸山翠。昊天不弔。乃構羸悴。志士悲號。摧心置地。敬公生平。出類拔萃。名為黨魁。去利就義。深恥私爭。無嗜爵餌。眾方貪天。公但明志。眾方哮勃。公持謹議。懷清尚恥。蘊義抱智。天奮我公。成此標季。嗚呼哀哉。泰

山蒼蒼。滄海茫茫。偉出惟公。萬禩不僵。俯笑附驥。心輕貪狼。生也嶽嶽。逝也堂堂。青史之名。燦若初陽。莫此杯罍。來格來嘗。尚饗。

湯化龍等公祭蔡督軍文

惟年月日。湯化龍等以蔡君松坡之喪。為位而哭。豆觴楮帛。不暇問其為祭與否也。心哀出涕。不能自己。輒以所傾吐者。告於君之靈。嗚呼蔡君。幼而好學。戡亂以武。卓哉先覺。嗚呼蔡君。壯而行之。所至奏績。爛然聲施。之桂而滇。早膺軍寄。尺寸在握。遂決大計。中原多故。力保西陲。才餘於任。控制兼圻。報國心長。功成身退。百年樹人。一時得代。端居京邑。嚙指時艱。豺狼四噉。腋肘之間。智深勇沉。遊行掉臂。精精空空。姦人喪氣。藏於九地。地震於九天。風雲色變。日月光暹。民視既昭。天誅斯膺。蠹紫無遺。苞桑有慶。朝聞紆策。夕已銷兵。焉有君子。寵利居成。以病乞身。飄然東下。東海待清。何期長謝。嗚呼哀哉。君方守義。有死之心。重以積勞。二豎交侵。抗順之師。其會如林。兵來如篋。火熱水深。矯誣民意。有口皆瘖。舉國之氣。如墨斯黔。迅雷一震。天下回音。出門西笑。其色欣欣。斯時萬眾。已死復生。而其險惡。一裨益君。空卷白刃。何藉何憑。徒以民信。賢於足兵。深入其

阻世謂能軍。固緣材武。亦恃精誠。元惡大憝。既服天刑。天下談士。爭道其神。國於何賴。所賴惟人。人之秀傑。足謂天民。此為中堅。誰與支撐。是以立國。國用弗傾。眾望所歸。實效所呈。合望與實。僅此國楨。豈此人爵。可以自營。天篤降祥。生甫及申。魖魖樹人。善化與君。旬日之間。天禍洊臻。相牽而去。脫此塵纓。嗚呼哀哉。國方累卵。旦夕苟存。重遭殄瘁。天意可徵。今此聚哭。哭尚成聲。馬知來者。能復如今。碑在萬口。奠盡一樽。靈旗風馬。倘荷式臨。嗚呼哀哉。尚饗。

上海地方紀念會公祭諸先烈文

維中華民國元年十一月三日。為上海光復第一周期。各界團體同人。聯集於南市市政廳補行地方紀念會。謹以清酌庶饘之儀。公祭於諸先烈之靈。而告之以文。曰。嗚呼諸君。生而為英。死而為靈。日星河嶽。不朽者名。清室失綱。蘊積痛毒。權貴虐威。士夫側目。民喪樂生。魚遊於釜。疾首蹙額。專制政府。志士崛起。誓復邦族。前仆後起。糜驅鼎鑊。洗洗江漢。颯舉義師。一倡四應。如弩發機。滄瀆扼要。東南屹鎮。輪軌交通。如軸執柄。白旄一麾。我武維揚。拔幟立幟。於漢有光。振臂奮呼。羣冒矢石。眾志成城。千夫辟易。堪胸斷脰。喋血裹屍。一瞑不視。視死

如歸。凡此國殤。胥為鬼雄。濺碧原野。賈志幽宮。最後勝利。惜未獲覩。共和告成。民族合五。今日何日。紀念一周。在旁在上。瞻拜千秋。遺墨淋漓。神采煜煜。遺像清高。生氣奕奕。魂兮歸來。敬奠椒醕。懿鑠偉人。永固吾圉。哀哉尚饗。

公祭上海商團諸先烈文

中華民國五年十一月之三日。王震等諸同人。追悼上海商團會員殉難諸先烈之靈。而為之誄曰。嗚呼。中原帝國。久著亞東。開闢局變。世際四通。強隣環伺。墨雨歐風。再行專制。難列大同。武昌起義。推翻清宮。春申響應。漢幟逞雄。商團敵愾。投筆從戎。倉卒交綏。鐵血流紅。忠魂雖杳。共和成功。癸丑一役。南北交訐。項城稱帝。民國將終。伸權民意。上格蒼穹。靈爽默佑。帝運終窮。推戴總統。黎公元洪。山河昭告。共托帡幪。源思飲水。難忘諸公。來格來享。魂招碧空。一聲楚些。哀表寸衷。

李鍾珏等公祭上海商團諸先烈文

維民國五年十一月三日。李鍾珏等敬致祭於商團先烈。沛如張君。志偉俞君。九松榮君。奇峰底君。炳文沈君。舜卿劉君等。靈曰。嗚呼。諸君。固蹈義奮發而死。

適用西曆全書 卷一  
者也。由辛亥迄今已四年有餘。其間死者不知凡幾。問有人悼念者乎。有之。不過個人之私而已。不能令合邑人之悼念也。諸君皆英俊少年。勇於赴義。憶昔初入商團。早抱犧牲主義。無奈清廷腐敗日甚。一日壓制人民。暗無天日。今大總統發難於武昌。而諸君遂響應於滬上。激昂慷慨。蹈死不辭。是豈好勇鬪狠。而輕身以殉耶。是豈希冀爵位。無死之志而死耶。卒之專制剷除。民國成立。嗚呼。是誰之功歟。緬想英姿。生氣凜凜。鐵血國民。此其典型。滬雲慘淡。浦水淒涼。掬誠陳薦。蘭醑桂漿。嗚呼尚饗。

### 上海各團體公祭鄭鎮守使文

惟中華民國四年十一月二十日。上海總商會等。謹以清酌庶羞。致祭於追封一等彰威侯勳三位二等文虎章海軍中將陸軍中將加上將銜彰威將軍兼上海鎮守使事鄭將軍之靈曰。嗚呼哀哉。將星盡隕。蜀道彭亡。變生肘腋。痛徹肝腸。憶昔癸丑。公來朔方。旌旗整肅。士馬騰驤。運籌帷幄。一掃攬槍。以寡勝眾。公名始張。禁中頗牧。鎮我南方。市廛不擾。民亦小康。老幼懼怵。東南保障。昊天不弔。折我棟梁。坦不設備。禍不及防。白龍魚腹。困於滄浪。嗚呼哀哉。公之容貌。

曰溫而莊。公之體格曰頎而長。公之宅心曰慈而祥。公之處事曰果而剛。忽白渡橋。為石家莊。是張桓侯亦來中郎。青天湛湛。白日堂堂。崧山峩峩。滄水湯湯。我公之德。天日在旁。我公之功。山高水長。專祠翼翼。春秋蒸嘗。一死報國。百世流芳。嗚呼哀哉。墮淚之碑。有峴山羊。勞面之刀。有西平羌。惟公遺愛。婦孺能詳。公名竹帛。公功旂常。邦士大夫。銘公勿忘。瞻公遺像。揮淚傍徨。生芻一束。濁酒一觴。白雲變色。紅日無光。俯仰身世。骨折心傷。掩面相對。百骸俱僵。神其來思。歆此清香。英靈不爽。鑒臨此邦。嗚呼哀哉。尚饗。

內務總長暨各部總次長公祭直隸都督趙秉鈞文

嗚呼。盛衰興廢。天之常經。丁斯會者。不有貞心毅力。神謨祕畫。誰歟扶顛而濟。傾惟公才足以掩九有。識足以涵萬靈。宜乎生而尸祝。歿而遺愛。遍於斯民。世方期以壽考。俾怙冒以羣生。彼蒼蒼者。胡為乎不仁。奪公之速。而莫享遐齡。使我士無師表。國無干城。公則委蛻遺世。棲神太清。名齊河嶽。勲炳日星。吾又何辭。夫媿陋弗與天下揭。繫其生平。公氣質博厚。學養深沈。起家卒伍。嘗負戈於天山以北。而鋒冠於一軍。既而紆青組。影華纓。敬扈台省。騰茂實。而蜚英聲。乃

者玄黃剖判。新命幸萌。公實憫斯民之困阨。將以出水火而衽席與登。每每運籌帷幄。勝算決於無形。不知者猶徘徊瞻顧。而公已垂紳正笏。措天下於磐石。而七竅不驚。嗚呼。公之功施於今為烈。幾幾乎民無能名。而又孰知其維持同異。調護新故。三年苦辛。當夫內訌外翼。眾口鑠金。公則臨機立斷。不讐不替。保民則慈惠為本。接物則相見以誠。開生民之未有。進大同於寰瀛。故其果敢之氣。剛正之節。雖百折而必觀厥成。邦基既定。公乃袞舄翩然。出乎國門。鏘蜺旌。與虎節。以坐鎮於析津。悲夫。天不憖遺。乃使英魂靈氣。一旦扃幽隧而閔層冥。邦人士女。驚駭相告。涕泗承頤。以霑襟。况乎同朝僚吏。平昔遊從。羣情皆夙所欽。欽。嗚呼。公之巍功峻德。國有信史具存。吾雖傾情寫臆。鋪敘懿美。而滋愧不文。感懷思舊。吾掬吾忱。公其乘雲車兮。策風馬。庶幾鑒觀不爽。來格而來歆。

陸軍第二軍全體祭故軍長徐寶山文

嗚呼痛哉。天胡不測。而喪我三軍司命耶。天又何不幸。而奪我萬家生佛耶。溯我公自光復以來。盤根錯節。備歷諸艱。輓粟飛芻。不遺餘力。揚郡十數萬之商民。賴公以生。公奈何溘然而長逝耶。公之治軍。威望素著。推心置腹。上下翕然。

如身使臂。臂使指。喻其情則家人父子。感其恩則骨肉死生。拔山易而撼軍難。觸彼黨之所忌。而致公於死者。此其一也。公之撫民。出諸水火。登於衽席。瘡痍則補之。饑溺則拯之。仁恩所被。有口皆碑。民之於公。如嬰兒之望乳母。大旱之望雲霓。曾無少異。觸彼黨之所忌。而致公於死者。亦其一也。公之嫉惡。如仇羞。與為伍。見夫宵人。蜂起伏莽。如毛植黨。營私貪囊。充牣其蹂躪人權。欲施其一網打盡之計。公則高其崖岸。拒之於千里之外。一薰一蕕。不能同器。神奸巨蠹。將草薶而愈獮之。觸彼黨之所忌。而致公於死者。又其一也。我公以神明之世。胄落磊之胸襟。不裹以馬革。不化為猿鶴。而獨被戕於梟獍之彈丸。零肢斷骨。血肉橫飛。嗚呼慘矣。燃萁煮豆。害我同胞。閻誰為逞其毒手。而肆其陰謀者耶。我公在天之靈。其有以默相之。則食彼黨之肉。而寢彼黨之皮。終有報仇雪恨之一日也。今日者。樂公之社。羊公之碑。劉道斌之遺像。過其旁者。靡不痛哭流涕。而長太息也。公其有知耶。其無知耶。嗚呼哀哉。尚饗。

公祭清太傅陸文端公文

徐致靖

誥授光祿大夫贈太傅特謚文端陸太傅公。以微疾薨於位時。則吳門串月。瑤

樓玉宇之廣開。帝里隕星紫禁彤墀之俱震。化鶴丹宸卧龍黃土其孤奉喪自  
京歸蘇暫殯卜葬。晚年生徐致靖門下士吳慶坻陳邦瑞與如胞弟秦綬章任  
錫汾顧壽嶽門下晚學生姚洪塗方以桑滄越在草莽痛將安仰感不勝情共  
駕素車來瞻丹旒謹具清酌庶羞奠告於太傅文端公之靈曰嗚呼我公天不  
憖遺悲來風伯泣有雨師坤維震動河竭嶽欹黃襪黯淡青鎖連沔易名贈賙  
優禮哀思寅僚咸嘆衢壤銜悲蒿歌歸路楓影靈旗蘇臺停紼芻奠盈卮矧屬  
故舊忍閱言詞嗚呼我公曩年少壯石紐祥同鐵甕潮漲綠衣身披碧海波颺  
歸里好逑遭時增長麋鹿復來豺狼萬狀避地流離重堂奉養烏烏情深龍蛇  
讖廣天以中興雲霄直上十載寒窗一鳴臚唱衣鉢隨傳軺車蔚望北堂雙娛  
南齋特賞東魯持衡西清轉掌兩起禮廬重叨寵貺私戚喪明重瀛祲瘴隨扈  
龍輶趨勤螭帳天地轉旋宮庭依向繞膝有賢齊眉無恙年屆古稀位躋上相  
堯陞風淒虞淵日喪倮直綸扉復丁板蕩嗚呼我公憂患平生談非道學術不  
縱橫維持定見亦秉至誠職司輔弼報稱忠貞朝綱遽弛國步隨傾黍禾興嘆  
井石先聲早桂冠去或執簡爭自昭大節益得賢名公審趨勢默自量評力無

雞縛鳴孰鳥嚶。委表猶重。有枉應擎。祇勤弭筆。仍勉調羹。淚斑虞竹。典肅孔楹。先勤啟沃。德輔清明。繼乞骸骨。重倚老臣。宮闈調護。禁闥經營。整秀夫笏。備仲路纓。竭誠無隱。受寵若驚。家付後起。躬示前程。松楸偕省。鐘漏餘鳴。公私慮顧。修短視輕。躬瘁諸葛。齒屈廣平。手足是啟。甲馬空迎。嗚呼我公。奄然歸神。鼎猶雉。雖駕速龍。馴橋山對越。柱石忠純。三朝元老。一代完人。清德垂裕。遺澤常新。公可無憾。民自有稱。閱予小子。同拜下塵。忝附桃李。老溷荆榛。久同譜錄。迹逐梗萍。茫茫世網。落落海濱。溯判公襪。時僅十旬。今瞻遺像。呼不一嘯。永無矜式。益慨沉淪。九京目想。百感環循。相從日近。憑弔意伸。用掬微悃。來格尊靈。嗚呼哀哉。尚饗。

祭清太傅陸文端公文

朱士煥

惟乙卯之年九月日。門下士朱士煥。謹致祭于太傅中堂先師文端公之靈位。公能醫國。孰為公醫。天乎不弔。竟不憇遺。訃走干輻。士林涕洟。我于痛定。若驚若疑。公之書法。虞終王始。是楷是模。公何嘗死。公之文章。遷史班史。一字千秋。公何嘗死。公之清操。遼東栗里。歲寒不凋。公何嘗死。公之碩德。高平涑水。斗山

同尊。公何嘗死。嗚呼我公。形往神凝。難挽者天。不息者誠。生而曰英。死而曰靈。留茲真宰。還之太清。百世而下。聞風其興。我事公久。知公尤深。至哉我公。雖死猶生。嗚呼尚饗。

祭清侍講鄒詠春先生文

葉增濤

維乙卯年九月癸酉朔。越十有一日癸丑。門下士葉增濤等。謹以清酌庶羞之奠。敬祭于賜進士及第誥授通議大夫翰林院侍講鄒公先師之靈。猗與我師。廉介莫儔。箴砭顏俗。砥柱橫流。曾閔德備。夷魚性侔。道宗洙泗。泰斗千秋。明德之後。達人是期。希文亭林。鄉賢是師。古三不朽。一身兼之。小子狂簡。莫贊一詞。早歲劬學。孟進迢群。焯掌錐股。用志不紛。研精于學。刻意為文。枕經蒞史。筆掃千軍。騷壇牛耳。輒冠其曹。一黷英雋。當代文豪。門墻濟濟。丹鉛忘勞。數學相長。繼晷焚膏。筆耕墨耨。歲獲豐饒。鵬程振翼。直上扶搖。通籍以後。出入承明。凌雲獻賦。晝日蜚聲。玉堂清品。壘掌文衡。京闈校藝。春秋兩更。于贛于閩。輶車駢征。劉胡謝李。士尤知名。沆瀣一氣。無愧師生。既而奉諱。在籍讀禮。聘主講席。吳中大吏。取士憑文。寒暄吐氣。鄒魯誦絃。惠留桑梓。經師人師。譽髦蔚起。其他善舉。

數難僂指。注書購燬。館局設理。瞻卹凶荒。籌備水利。榮榮大端。實心任事。措紳  
先生。莫有過此。服闋回朝。時局益棘。經世大志。日思獻納。今古會通。中外考覈。  
冀得一當。以圖報國。奈蔽聖明。朝政不綱。釜魚幕燕。習焉相忘。禍延薪突。焦爛  
徒傷棟崩。誰拄河決。難防啼悲杜宇。敬別天閭。挂冠歸里。却掃敷門。眾醉獨醒。  
蟬蛻塵氛。救楚包胥。哀郢靈均。心與力違。叩閤莫聞。觚稜悵望。我相我君。心馳  
魏闕。身在江湖。毛公提學。宗拜楷模。延督師範。禮聘當塗。談經饗序。弊矯空疏。  
莘莘學子。範我馳驅。顧全公益。俸金捐除。兼任各職。給辭無餘。清風亮節。碩學  
耆儒。疆吏保奏。人望三吳。榮膺嘉獎。丹青不渝。兩宮晏駕。龍髯攀號。仆地慟絕。  
中懷鬱陶。曾不數載。辛壬之交。心傷國卹。悲憤無聊。薑桂老辣。松柏後凋。周正  
漢臘。猶奉勝朝。吳山蒼蒼。胥水洋洋。緬懷芳躅。山高水長。嗚呼哀哉。尚饗。

祭清侍講鄒芸巢先生文

于齊慶

維年月日。江都于齊慶。謹持瓣香。明燭清酌。庶羞致奠。於芸巢鄒公之靈。曰。嗚  
呼噫噫。天生我公。而盡於斯。維公之才。侔儻魁奇。綜覈名實。提挈綱維。維公之  
德。亦惠亦夷。和易處眾。廉介自持。維公之學。無所不窺。積書萬卷。口吟手披。維

適用西... 卷十一  
公之文。研精覃思。手握鑪鞞。胸炳靈犀。謂公不遇。亦荷主知。封軺閩贛。珥筆彤墀。若其果遇。有所設施。秉國之鈞。濟變匡時。公才公學。罄無不宜。適在散秩。進退委蛇。徒以文名。名亦奚為。自我識公。卅載有奇。少同班列。晨夕追隨。過從稔密。文讌娛嬉。名曰吾友。義實相師。罷歸而後。天各一涯。相思不見。怒如凋饑。邂逅國變。山嶽崩頽。公益發憤。著為歌詩。首若蓬葆。心如菘菹。屏粟不食。甘荼如飴。甲寅之秋。我奉公惟。曠若隔世。喜極而悲。觴我娛園。玉醴金卮。遊我半園。叢菊疏籬。平原十日。朋舊相携。公意未饜。更為後期。屬在夏五。公病不支。辱以書來。請從此辭。我展公書。煙墨淋漓。冀幸公病。匪瀕于危。豈期公言。不爽毫釐。曾不浹旬。而永別離。嗚呼噫噓。死歸生寄。公誠毋欺。我哀公逝。哭以其私。嗚呼噫噓。蘇臺一揖。幽明路歧。恒幹萎矣。斯文在茲。觥觥巨集。爭輝娥義。亭林嗣響。舍公伊誰。誓集同志。梓而行之。公靈不昧。視此哀詞。尚饗。

公祭楊伯謙文

蔣同超 萬里

維中華民國五年。舊曆歲次丙辰五月己巳朔。越七日乙亥。同人等謹以清酌庶羞之奠。祭於礦務小學校長楊君伯謙之靈。曰。翹瞻星度。歲在龍蛇。春風滿

座桃李乍花。玉棺一夕。遽返仙槎。哀我楊君。實惟哲士。鍾秀茅山。毓靈茗水。鬻序蜚聲。文場馳譽。乍竣郡學。迴執教鞭。針砭君主。鼓吹民權。得士林譽。開風氣先。維君之文。可得而聞。詞倒三峽。筆埽千軍。志同國士。學行疇人。壇坫東南。早入南社。道契慎交。堂登大雅。金山仰高。邕江友馬。松陵三傑。曰金蔡陳。君獨異邑。具區之濱。得君而四。騰蹕春申。未遂東遊。忽來西笑。國維若絲。法治維效。人遺其精。君抉其奧。後生可畏。君亦先覺。滿清不德。國祚旋覆。民國肇基。仍事教育。峨峨尚俠。濟濟羣俊。模範先賢。甄陶後進。邪人肆焰。一炬成燼。燼餘手撥。卷土重來。登升秀士。樂育英才。玄黃激戰。又付劫灰。萬間廣廈。一木難支。長安不遠。悵悵何之。荆榛大道。誰識人師。冠蓋京華。道大莫容。金臺弔古。燕市留蹤。故山猿鶴。人海魚龍。混混長安。居大不易。備員國學。待時藏器。國魂莫招。帝制聲起。人非賈誼。籌安不安。滇黔難作。邯鄲夢闌。君居日下。抑鬱寡歡。襤被南下。迺來萍江。舉隅啟發。懸鐘扣撞。菁莪美化。惠我南邦。三月春風。轉瞬即逝。一夕長眠。大暮不曙。世界風雲。人生朝露。風雨飄搖。曷其有極。雞鳴旦旦。黑幕誰揭。揮戈魯陽。後死之責。曙後星孤。風流雲散。更有西河。喪明痛斷。盜跖壽長。顏回命

通用西廡全書 卷十一  
短神州日暮。同此夜臺。妖星躔度。禹門不雷。糝糠待埽。魂兮歸來。嗚呼哀哉。尚  
饗。

祭趙伯先烈士文

張斯屢

維民國元年五月朔。同里小弟張斯屢。謹以素羞清醴。致奠於伯先仁兄烈士  
之靈曰。於虜。維公卓犖。育秀三山。英風灑氣。傑出人寰。早歲投筆。軍旅間關。壯  
猷碩畫。積毀傷讒。往在金陵。歡言握手。述志有詩。銷愁借酒。灌夫罵座。聞者却  
走。惟我知公。足致不朽。江南失意。乃走五羊。丹忱憂國。雪涕淋浪。波濤出沒。怒  
然心傷。此志不懈。奔走旁皇。廣州之役。投袂而起。鼓柁重洋。怒濤迅駛。前驅挫  
衄。城墉不啟。海枯石爛。涕下如雨。載歸香港。中心屏營。淚枯力瘁。憂疾交并。昊  
天不弔。殞我干城。風淒鯨島。月落鯤溟。在天英氣。炳若日星。曾幾何時。風飛雲  
擁。義旅馳驅。烟塵瀕洞。指顧成功。環球竦動。雖惜公才。未竟其用。九原有知。亦  
可無恫。歲星一轉。忠櫬歸來。三單洒涕。二廣銜哀。竹林古寺。北域新開。松簧竹  
籟。如訴壯懷。察使舊解。崇祠佳蒐。千秋廟貌。風雨不隕。壯我江山。舍公其誰。惟  
公英靈。眷懷鄉國。禦災捍患。佑我民族。江水湯湯。金焦屹屹。丹荔黃蕉。靈其來

格尚饗。

祭沈守瓶沈少坡兩先生文

孫鵬翼雲

維民國紀元十月一日。為二君因公慘死之期年。同人等因假城議事會開會追悼。孫鵬乃敬以清酌庶羞。致祭於二君之靈。曰。嗚呼哀哉。二君其竟死耶。其竟慘死耶。其慘死竟期年耶。古人有言。死有重於泰山。有輕於鴻毛。二君之死。其泰山耶。其鴻毛耶。必有能辨之者也。回憶去秋八月。余適病熱。轉展牀褥。日與醫藥相親。於世事久不聞不問。忽而噩耗傳來。謂二君為人中傷。猝遭慘死。余始而駭。繼而疑。終乃恍然曰。是無足駭。無可疑也。是亦有道存也。今夫世之君子。抱世醉我醒。人濁我清之志。此本自潔其身。宜乎與世無關。而有時且為人嫉視。况為舉世昏迷之日。乃欲出而圖提撕警覺。為因革損益。以遂其轉移風俗計乎。且人心之不同。各如其面。是故一利之興也。未必人盡以為利。一弊之除也。未必人盡以為弊。則積嫌成怨。積怨成仇。積因得果。固無足怪。余意二君任事之初。雖亦知之。而有所不顧也。獨惜二君不能同流合污。以唯諾博長者之名。則至今幸福至無量也。又奚至為人中傷。猝遭慘死耶。雖然。人生百年。

同歸一死。沒世無稱。君子所疾。意者二君之死。或反以成二君之名耶。則泰山鴻毛之分。必有能辨之者也。嗚呼哀哉。尚饗。

祭王屋生先生文

徐公輔

維年月日。青浦世愚弟徐公輔。謹持瓣香。明燭清酌。庶羞。致祭於屋生老友之靈前。而誄之以文。曰。嗚呼吾公。門第金張。生有自來。一目十行。經經緯史。國士無雙。起家拔萃。旋舉於鄉。備員內翰。名動天閭。揚芬摘藻。騰達飛黃。未幾變法。舉國若狂。急流勇退。眷懷梓桑。蘭亭雅集。一詠一觴。珂鄉十載。君國未忘。泊乎國變。地老天荒。舍饘就粥。抗志首陽。疾風勁草。晚節彌香。猶憶戊申。同遊之江。翩翩書記。蹉幕匡襄。綜核名實。整理鹽綱。晨夕共事。翦燭西窗。公餘之暇。詩酒徜徉。六橋三竺。遍覽風光。何圖一別。後會茫茫。比年以來。雅樂淪亡。文廟佾舞。告朔餼羊。當道延公。研究樂章。召集諸生。釐訂宮商。按譜指授。昕夕不遑。未及三月。盈耳洋洋。續脩志乘。功在闡揚。賴公主持。玉尺衡量。撰人物傳。幾閱星霜。下筆千言。必慎必詳。甫經脫稿。病人膏肓。胡天不弔。奪我元方。嗚呼哀哉。青溪黃浦。百里相望。雲山咫尺。海水蒼涼。忽聞噩耗。黯然神傷。素車白馬。絡繹道旁。

撫棺一慟。老淚盈眶。緬懷芳躅。山高水長。嗚呼哀哉。尚饗。

湖南司法司長洪公誄詞

鄭澤叔容

中華民國元年七月七日。湖南司法司長洪公春巖薨於位。嗚呼哀哉。胡湘民之不幸。遽賢司之櫟絕。痛天道之茫茫。遲吾湘之建設。矧民心之莠良。實操縱於刑章。念清政之懈弛。疇孜孜於紀綱。俾踰閑而蕩檢。至奸宄之莫斂。孔雖譏于齊刑。周詎已於重典。維我公之兢兢。憫凋瘵於民生。誓斷雕而為樸。乃刑期于無刑。恒中夜以不寢。視訟獄其維謹。謂民命之攸關。須廉聽之周審。值新律之待頒。尤草創之艱難。期折衷於至當。羗心瘁而神殫。詎功施之未竟。竟殉身於斯任。疇殺三而宥三。復色聽而辭聽。嘗迹公之生平。實竭慮於同盟。雖援粵之未濟。賴援鄂而功成。迄支部之成立。為眾心所咸集。用推公為領袖。張吾黨之勢力。何方及於盛年。遽委化於重泉。歎人亡而國瘁。紛流涕其潺湲。幸身沒而名存。猶飾終之隆異。既銘哀於萬人。復歆祀於無既。惟峨峨之麓山。占宅窆於其間。被光榮於泉壤。當終古而闌珊。忝盟好之無極。向靈前而於邑。倘公靈之來儀。飲斯尊之一滴。嗚呼哀哉。

尚賢堂為盛宣懷開追悼會誄詞

嗚呼我公。命世之雄。當公嶽降。閉關局終。強隣環伺。笑我愚蒙。文明日啟。濯我國中。公乃崛起。模範大同。電郵兩政。信便鱗鴻。招商一局。航路交通。鐵道千里。畝徹南東。漢陽鐵廠。鑄造兵工。南洋公學。李白桃紅。商通工惠。國富年豐。合肥茅茹。輔佐清宮。興利除弊。啟沃蓋忠。論公大業。竹帛紀功。公性好善。每憐人窮。財輕篋箠。義重衡嵩。公所到處。羣托幘幪。一旦溘逝。欲問蒼穹。尚賢追悼。魂招太空。一聲楚些。以表哀衷。謹誄。

盛氏家屬答謝詞

今日承李佳白先生在尚賢堂為先君開會追悼。同頤等以家屬資格。預會觀禮。哀感至深。竊念先君生平。每喜從東西友邦賢士大夫遊。於其政客學子。納交甚廣。先生望崇泰斗。夙為先君所推服。尚賢堂之成立。先君實贊助之。蓋先生以輸入文明。裨益吾華為目的。先君以效法友邦。補救國家為宗旨。此心同。此理同也。今先君往矣。先生追維舊雨。徧邀本埠紳商學界諸公。蒞會演講。悱惻懇摯。情見乎詞。既有以慰先君在天之靈。而同頤等躬被高情。其光寵尤無

涯涘。謹此答謝。尚乞先生不棄。後學而教之。曷勝感幸。

黃獲農先生誄詞

林百舉

夫自瀛寰棊通。歐風東漸。公司墟印。色變商戰之談。託辣興美。譯尊大王之號。上不敢以賤市籍。懲未作為政。下不復以鄙駟。儻恥勢利為高。蓋國度既異。鎖港人心。亦祛錮蔽矣。况陸沉於俗。市隱惟賢。從吾所好。為富而復能仁。得見善人。生財乃自有道。如黃先生獲農者。老於潮州之鹽商也。地未三徙。經營卅年。克儉克勤。時俯時仰。善奇贏之計算。信然諾於布言。儼膠鬲之遺風。治陶朱之產業。初生詩禮之家。早廢蓼莪之什。篤孝傳於拾菴。俊茂稱於竹林。承歡不遠。萱堂叨蔭。甯辭葱肆。及析薪之克荷。乃堂構之維新。諸父猶念推甘。雖別籍於南道北道。羣從盡加友愛。仍同居於東頭西頭。中年已膝繞芝蘭。真不啻龍優虎劣。大兒曾手擲芹藻。眾驚為鶴立雞羣。連延攀桂坊中。共軾干木之宅。傑起蟠龍橋畔。更增樊重之廬。衣錦歸來。戚里稱觴而上壽。開樽好客。曾孫入座而傳呼。此其生平。具兼福德。元寶定非凡目。鮑瑗果見懸鞭。誠未易得其一鱗。猶非能窺其金豹也。緬彼芳規。厥有數異。鹽茨之繁。治絲而棼。岸引地歧。樵值時

改輕重偶畸。公私交困。獨詳利弊。如析秋毫。虛禮嗇司。推風顧問。是以政才。屈於小用。厯山磽确。河濱湍瀨。世覓聖化。鄉殊禮讓。雞鶩爭食。蝸觸啟鬪。則創鹽網。用免龍斷。情通鮑叔。盟等鄭桓。是以義市。庶幾良賈。持籌錢癖。把卷書淫。君山之藏。猗頓之富。豪門珠履。座有鴻儒。鹽浦染輪。車皆長者。梅江太史。五柳先生。投紵頻殷。傾蓋有素。澹定村中。亦時往來。人境廬主。尤相推許。是以嗜學。特親儒雅。抑能飲酒。且解清譚。觀時知幾。明算合變。續貂之貴。恥作肯郎。慕燕之悲。憂深杞國。更弦變法。興學儲材。黨嫌弗畏。羣盲力闢。義方垂教。青子獨嚴。捐智常虞。求師萬里。是以識達。可謂俊傑。至於其餘。繩繩謹慎。汪汪大度。睦族和鄰。解紛息訟。振災施貧。急公好義。得勢益彰。樂善不倦。解驂指困。宣讓先哲之賢。駕鼉刊道。推及行人之惠。則凡諸末節。出自本懷。夙有口碑。可無罄竹矣。春秋六十有三。民國四年十一月初三日。以寢疾卒。嗚呼。一朝風燭。萬古塵埃。踐妖夢於瓊瑰。允堪痛哭。動哀歌於丹旌。甯勿傷心。雖致祭於斗酒。隻雞。未有誓曾前約。敢叩喪於素車白馬。非云實以誄華。誄曰。

闌闌熙攘兮。拔若斯人。神仙遨遊兮。粹然出塵。謂君為素封兮。毋甯曰逸民。雖

分國如錙銖兮。其潛德如琳珉。嗚呼黃覺大錢兮。猶少十春。東維箕斗兮。倏列星辰。天地蒼黃兮。世方新。胡不如太公八十之歸於渭濱。

楊季榮君誄詞

顧平之

維中華民國四年八月七號。舊曆歲次乙卯六月二十七日。為楊君季榮疾終。滄寓之辰。越五旬。南洋中學校友會同人。謀所以哀之。開追悼會於上海西區小學。素帷蕭瑟。共招楚些之魂。血淚沾凝。難雪靈均之憤。西風含怨。秋堂多悲。未展宏圖。聖哲抱觚哉之歎。難為後死。英雄深淘盡之憂。不見斯人。廣陵散絕。曠觀吾黨。魯殿荒蕪。嗚呼。天道人道。固無可言。有學無學。奈何勿辨。君骨可朽。君靈不泯。莊周曰。指窮於為薪。火傳也。不知其盡也。其君之謂歟。爰泚筆而為之誄曰。

粵城鬱峨。槎水清連。誕生睿智。絕後空前。自君少時。有志簡編。中原多故。猛著先鞭。擊楫遠渡。異國山川。既攻文藝。又業農田。華實並茂。德望兼全。一舸歸國。遽爾長眠。斯人斯疾。胡帝胡天。

祭華吟梅女士文

女士 張宗漢

中華民國元年九月十二號。華吟梅女士以疾卒於松江之花月吟廬。滿城簪  
柰。清商推蘭。謝家喪詠絮之才。梁氏失齊眉之偶。昊天不弔。悼胡可言。同志妹  
張宗漢等。傾木樨之卮。歎梅檀之瓣。憑几筵而奠之。曰。嗚呼。人貴有志。男女維  
均。志而不立。人權曷伸。吾聞女士之事親也。志乎孝。女士之接物也。志乎仁。仁  
孝之至。充乎其身。故見義則洞若觀火。存心則盎然如春。幼志於學。而風氣開  
其閉塞。長志於道。而境遇試其艱屯。景行維賢。遂志於賢者。君子務本。求志於  
本真。志豪傑之士。則振黑暗之幕。志英雄之傳。則拜自由之神。志在授經。為絳  
紗之賢母。志在取義。為錦繡之夫人。昭昭然輝流彤管。而無愧偉大之女國民  
也。嗚呼。女學落落。女界塵塵。共和發育。胚胎方新。得此有志之女士。提倡社會。  
壇衍文明。誠華亭之孤鶴。而龐氏之祥麟。奈何荼苦蕉萃。竟以弱齡。而見奪於  
大鈞。嗚呼。天道之無憑耶。女志之終不可行耶。吾將還叩夫蒼昊。嗚呼。尚饗。

華吟梅女士哀詞

張孔瑛

民國元年九月。華吟梅女士以疾卒於松江裏館驛底之花月吟廬。越月餘。得  
鈕女士。婷華。熾華。耿女士。浣薇。肇熙等二十四人。代徵哀詞。啟孔瑛讀而壯之。

曰嗚呼士大夫貪竊祿位而無功於社會者比比然矣。吟梅以弱女子身乃能立種種事業。其視士大夫何如哉。侍仙鏡如謂其無功。正其有功而弗居耳。女士往矣。有能繼女士而効力社會者。其功又奚尚焉。乃系以詞曰。嗟女權之旁落兮。鬱坤德而不昌。惟女士其振起兮。勵初志而自強。懷緹縈之孝行兮。搗班昭之文章。前哲庶可仰企兮。曠百世而相望。奈舜華其倏謝兮。痛椒蘭之靡芳。吾以敬告女界兮。願垂譽乎峰泖之鄉。

華吟梅女士哀詞

劉鐵冷

時維八月。序屬中秋。桂萎蟾宮。香埋蒿里。悵嫦娥兮不見。皓影難圓。嗟謝女兮不歸。徽音猶在。才高詠絮。道韞之風雅。超羣書上。緹縈淳于之肉刑。竟免脫釵助餉。慷慨勝似鬚眉。珥筆從公。藻華獨推巾幗。急公好義。德備才全。孰有如雲間華女士乎。女士字吟梅。年二十有二。侍仙君之弱息也。生而淵令。長而麗都。趨庭學禮。字綴珍珠。當戶弄機。織工文錦。不櫛藉稱進士。巧思豔說若蘭。賈乎尚已。年及笄總。志益通明。眉先却黛。不御鉛華。步恥生蓮。獨倡天足。熱心苦口。播風在歌浦以南。淑女名媛。向化至千人以上。九峰耀彩。黑幕大開。三泖騰波。

澆風蕩盡女士之力。閨秀之光也。又復就學茸城。讀書滄瀆。持籌習算。靜比閒雲。剔炤吟詩。明於秋月。翦綵錦而繡鳳鸞。針疑神助。運匠心而製花果。巧奪天工。夫學貫古今。藝精中外。豈徒娟娟簪花之格。翩翩賦茗之才。媲美前賢。而盛傳當世哉。丁未秋。侍仙災罹。兀妄罪坐。不辜石父。雖賢脫驂。誰贖女士。誓以身代。書上大理之庭。勸以加餐。食進園扉之宅。竭力營謀。苦心憂慮。每覩霜零。半夜泣下襟霑。遠期日再中天。寬伸盆覆。其心良苦。其志可哀。既而嫌疑盡釋。周內徒工。雲開則見白日。雀喜生還。人瘦則比黃花。病根早種。迨交聯文字。婚結自由。歸龐君鏡。如聯秋吟於月夕。金風徐來。問奇字於花晨。玉雲斜被。一樓香永。四壁花深。聊以消憂。且當藥石。久之詩書廢棄。井臼親操。事與願違。疾以心重。玉顏憔悴。弱不勝衣。雲鬢蓬鬆。急於為善。兒恤孤貧。義田大范公之制。餉輸簪珥。助邊高卜式之風。心以病而益慈。行以病而益力。義起武漢。救傷之難。未償。協進共和。記事之聘。頓至。自慚羸弱。望負賢媛。忽報采薪。憂添萱草。惟知反哺。馬忍遠遊。翡翠筆牀。不妨離手。玻璃硯匣。豈暇隨身。新詠玉臺。休誇徐氏。執筆女史。還讓曹姑。而藥竈烟浮。鴛衾香冷。遂肇基於此。救濟無從矣。嗚呼哀哉。

蘭姿玉質。隨落葉而俱灰。俠骨婆心。共草木以同腐。歎蒹葭兮蒼蒼。伊人安在。聽秋蟲兮唧唧。杼軸已空。薤露易晞。哲人其萎。孤鴻載道。誰具保赤之誠。黑蜩橫行。誰作征蒙之助。嗚呼哀哉。天不假年。人其永歎。秋風秋雨。抱埋香葬玉之悲。述德述行。作鐘鼎旂常之勒。殿以詞曰。舜華而謝。芝蕙而焚。黯兮慘悴。風悲日曛。寒蟬飲泣。蟋蟀哀鳴。如助歎惜。如解人情。懿歟淑姬。誠格萬物。慈善其心。萬家生佛。慷慨其行。當年賈屈。孺慕椿萱。孝尤竭力。書上當塗。獄解羅織。呼籲聲嘶。號泣有血。惟憂五刑。不回百折。素志以伸。沉寃以雪。悠悠蒼天。鑒觀不爽。風靜樹寧。烟消月朗。時憂親疾。寸斷肝腸。衣不解帶。食必親嘗。烟騰丹竈。藥採青囊。厥疾弗瘳。寢食不忘。罪彰公冶。孝踰孟姜。高風亮節。為國之光。定省之餘。文史是愛。韻敵左芬。才高鮑妹。字學前賢。盡傳當代。猶是雕蟲。無足置喙。嗚呼哀哉。儀容安仰。手澤徒留。浮生一夢。長逝千秋。蒼松憂鬱。孤雁啁啾。塵封繡戶。風響簾鉤。室邇人遠。天地為愁。斯人不作。雲斂霧收。大德必壽。山高水悠。

陳母沈太君誄詞

蔣同超

赤烏聲裏。星沉婺女而無輝。黃鵠歌中。火吐仙公而有耀。海乾蛟蜃。月蝕蟾蜍。恒幹不居。樹萱忽謝。樹猶如此。人何以堪。恭惟陳母沈太君。生膏飫右姓之家。擅窈窕河洲之譽。十年不字。有待梁鴻一體相關。難逢裴澤。其繼室于秋泉陳先生也。中閨在悼。內職猶虛。乃為秦晉之聯。遂結朱陳之好。先生道在通財。志存利物。師力牧之智。操計然之贏。搗杏成油。深識齊民之要術。織縑勝素。矧資新婦之巧機。乃月明不禁。而日中終愆。太君則相夫于屢空之時。全家于中落之際。代執以籌。輔勤於室。詎什一之故。資粗復而百年之偕。老竟乘。中郎不祿。有女傳經。伯道中殂。無兒濟美。昆嗣凋零。猶子愴悼。孀鵲姪亦孤雛。太君乃教以義方。勗以令德。譽同駒馬。撫異螟蛉。以書種之當存。原儒術以為貴。傾笥而收異集。剉苻而待高軒。詩詠泮宮。槎浮瀛海。鳳毛云美。龍性難馴。遨遊湖海。身登百尺樓頭。閱歷滄桑。足踏三千界外。姪也已蔚為令器。母也仍視為幼童。然亢宗雖愛無鷹犬。而毀室則詠有鷓鴣。蓋瓜瓞既繁。則薰蕕斯判。雖同根而異派。亦隔井而殊鄉。始也諸阮富而咸藉達。終也周公親而管蔡頑。無范蠡致千金之三。似洪範協六極之四。于是莊周涸轍。視陳母為監河。韓信窮途。以

太君為漂母。乃太君愷悌為懷。慈祥成性。慨分寶玉。共飲膏粱。而太君之心。亦于茲瘁矣。名香四兩。人間無換骨之方。苦節卅年。天上少延齡之術。况以桂入火。而心空。竹以淚而斑。漬古井。瀾靜寒山。火耘鬱彼陽精。赫然飛焰。皇皇顯顯。髣髴吳宮。出出嘻嘻。依稀宋廟。毫社有妖。商邱失職。邑無劉昆之宰。世鮮鄭玄其人。江陵之逆風。不及樂巴之喫酒。依然楹書可讀。齊付劫灰。祐主同摧。疑更漢臘。夷陵土黑。陸渾山紅。驚已摧心。湯無續命。懷清臺圯。遽摧貞竹之柯。益母方留。徒集菴蘭之草。藍田之松。夏枯丹邱之李。夜落含泗。此日烏夾。猶驚疾神。當時鴉銜底事。貢斯哀誄。用托怨思。其辭曰。嗚呼哀哉。清明風至。祝融夜來。時維孟夏。其德恢台。天上春殘。人間夜半。大火行御。方昏未旦。青鳥止鳴。赤烟肆怒。地逼章莪。峰頽天姥。惟火于人。尊而不親。燎原之戒。古訓是陳。招搖指已。春盡夏始。三遷擇隣。八人過市。燔蘭灼艾。煮鶴焚琴。天乎何酷。母也痛心。大風正濟。瑤華不葩。天使何在。東海靡家。春暉遽逝。寒泉竟災。丹綠書香。顰悅同灰。嗚呼哀哉。

彭城張令貽副室韓氏誄詞

程善之

余讀張君所為副室韓氏小傳而悲之。夫田經種玉。莫留搗藥之仙。室可散花。不住解禪之女。璇閨晝掩。侍兒拭淚以懷恩。角枕宵寒。褲子啼呼而索母。仰蒼穹則沉沉難問。對白日則慘慘無光。蓋死別之傷心。固生人之至痛者矣。原夫朱鳥牕前。銀鳧燈下。秉柔嘉於綺歲。抱芳質於瓜年。鬟有餘澤。却金玉而倍華。體備德容。謝脂粉而彌令。識者固已謂奇葩殆閨苑前身。芳蘭宜君子之佩矣。張君正室方夫人。以葛覃之德。兼樛木之仁。秉鴉鳩之量。思螽斯之美。謂慰高堂者莫亟於錫類。相夫子者莫駕於推恩。用是量珠十斛。不為新聲。拋豆三升。非關賺婢。遂乃數鍼神於鄴下。獨許夜來。品中饋於周家。得逢絡秀。風花滿目。識桂嶺之孤芳。冰玉瑩心。證優曇之一笑。惟茲嬋媛。實契清哀。小星之光。一點隨織女以渡銀河。遊絲之弱。三竿伴春風而登畫閣。時氏年十八。張君方官部曹也。於是翟第親送。魚軒共乘。紅塵陌上。花迎十里香車。玉鏡臺邊。人是二分明月。爐增麝而同熏。燈照塵而交影。翻垂手之曲。瑟和房中。護比肩之幃。唾凝袖底。斯固翔風善舞。遜此遭逢。樊嫫知書。慊茲委宛者矣。無何龍戰將興。蜩羹斯沸。去京邸。居析津。渡渤海。走歇浦。氏周旋左右。經歷艱辛。操織紵於孟母機。

前捧筐筥於少君車後。大家之範不忝名門。通德之稱無間族黨。視彼眉分細  
繭。髻學靈蛇。折腰齟齬。以為容。傅粉塗脂。以為媚者。豈徒妍媸攸別。抑且雅鄭  
各殊。初無捧心之顰。甯入圖眉之譜也哉。既而徵蘭入夢。鬪草宜男。謀燕胎之  
吉。而玉燕投懷。叶麟定之祥。而石麟下降。不圻不副。實覃實訃。聽滿卷之啼聲。  
定為英物。望充閭之佳氣。知是家禎。氏於是副主姑之期望。稟小君之詰言。出  
顧入復。煩於婦工。護寒調溫。嚴於胎教。有力斯竭。雖勞勿休。微風過隙。呼侍婢  
以垂簾。晨星映窗。驚戒旦而推枕。其自律之飭。撫兒之慈。有如此者。當斯時也。  
令妻捧觴以稱賀。壽母扶杖而歡顏。將謂周家伯達。樹多士之先聲。馬氏五常。  
得白眉為領袖。果也。膝前公鳳。方傳老鳳之毛。掌上明珠。疊見雙珠之喜。一索  
再索。維魚維鱗。乃氏勞形已過。弱骨難支。而肺疾成矣。蓋荆山之寶。玉剖而璞  
不完。卷菴之芳。葉在而心先萎。於是誕女既殤。遣疾彌篤。風迴蓬島。難索返魂  
之香。海涸桑田。無復投砂之米。然猶力支病體。強作笑言。頌朝雲六如之偈。慰  
平子四愁之思。執手珍重。忍淚無聲。曉漏甫動。遂判人天。清磬一聲。了茲塵劫。  
是為民國建元三年九月十四日。來歸甫三歲也。藕絲托命。現蓮葉之前。因慧

適用西廂記卷二  
果將消。共黃花之晚節。嗚呼哀已。冰蠶絲盡。難為作繭之期。黍谷簫殘。莫遂審  
音之望。張君坐空幃而永歎。撫愛子而神傷。遂賦金泥簇蝶之詞。譜落葉迴風  
之曲。以抒隱痛。以寄哀哀。僕覩此悽愴。頓觸前塵。回首平生。潛然淚下。嗟乎。枕  
能貯夢。不解遊仙。席可招涼。難消內熱。桃梗抱同情之感。玉簫無再世之緣。魯  
陽戈能揮日。不旋已墜之星。姮娥藥得通靈。莫療既虧之月。憐卿憐我。即色即  
空。竊欲以三生片石。補茲離恨之天。五色筆花。懺此相思之券。爰為誄曰。  
江流東逝。離人西去。弱草悲霜。孤花翳露。占星知命。禮佛思恩。鏡分永轉。釵斷  
香溫。宛宛嬰媿。遺思縷線。振振良人。零愁委硯。大婦隕涕。威姑減餐。調羹憶味。  
燕坐嗟單。生不怨天。死非厭世。懿德在家。以永宗祀。



國家圖書館



002940429



線

856.6

844:4

7

v. 3

舊籍